

四庫全書

史部

欽定四庫全書

史部

九朝編年備要卷二十九

詳校官編修臣謝振定

侍讀臣孫球覆勘

總校官檢討臣何思鈞

校對官編修臣沈清藻

謄錄監生臣聞益

欽定四庫全書

九朝編年備要卷二十九

宋 陳均 撰

徽宗皇帝

起庚子宣和二年  
止己巳宣和七年

庚子宣和二年春二月趙良嗣使金

女真使托和津持其國書來請別遣使通好因遣良

嗣往猶以買馬為名其實約夾攻契丹取燕雲舊地

也第面約未齎國書時女真出師三面攻遼國上

京良嗣至青牛山追及阿達遂從至上京觀攻城

不旋踵而破

唐恪罷

時王黼奪上供綱為應奉之用漕運不至者累月恪為戶部尚書上言曰國家定都汴梁非有山河形勢以臨天下也直仰汴渠之運以養百萬之師而綱運自去秋絕不至將有匱乏之憂且以天下奉一人臣子不敢憚今珍異之物充於大臣之家而奉上者曾未十一是傾天下之財為國歛怨上以諭黼黼取下

卸司以進且請治恪面諷之罪恪復言黼所進卸運  
數蓋併應奉司網在其中屬戶部十之一二爾詔恪  
罷知滁州

夏五月祭地于方澤

竄朱夢說

編管池州夢說以布衣上書論宦寺之權太重也

六月蔡京致仕仍朝朔望

時京子攸儵條孫行皆至大學士視執政而條尚帝

女他至侍從者二十餘人尚方賚予無虛日廝役皆至大官媵妾至封夫人然公論益不與而上厭之至是請老詔京致仕依舊神霄玉京萬壽宮使仍朝朔望

復元豐保甲舊制

罷京東西保甲餘路並依元豐舊制

秋七月嚴文臣起復法

詔非邊防勿起復

九月金使來

趙良嗣至上京與阿固達議約大抵以燕本漢地欲  
夾攻契丹使女真取中京大朝取燕京許之遂議歲  
賜良嗣初許三十萬而卒與契丹舊數良嗣曰燕京  
一帶則并西京是也阿固達亦許之遂以手札付良  
嗣約以女真兵自平地松林趨古北口南朝兵自白  
溝夾攻不然則難以依已許之約仍遣使偕來止作  
新羅人來朝見其國書畧曰大金皇帝謹致書於大

宋皇帝陛下蓋緣素昧未致禮容酌以時宜交馳使  
傳趙良嗣等言燕京本是漢地若許復舊將自來與  
契丹綽轉交雖無國信諒不妄言若將來貴朝不為  
夾攻即不依得已許為夾具形敝幅冀諒鄙悰

馬政使金

國書畧曰大宋皇帝謹致書於大金皇帝遠承信介  
特示函書致罰契丹逃聞為慰確示同心之利共圖  
問罪之師誠意不渝義當如約已差童貫勒兵相應



彼此兵不得過關歲幣依與契丹舊數仍約毋聽契丹講和差政之子擴從行

燕童貫第

冬十月戊辰朔日有食之

加梁師成太尉

師成累遷河東節度拜太尉提舉明堂時上留意禮樂符瑞事師成特以穎悟善逢迎希恩寵上實以隸人蓄之凡御筆號令皆主於師成於是入處殿中多



擇善書吏習倣奎書雜詔旨以出外庭莫能辨陰竊  
用人之柄權勢熏灼一時嗜進之徒爭先赴趨之王  
黼以父事之執政侍從出其門者不可勝計師成自  
謂為蘇軾之子訴於上曰先臣軾何罪時天下禁誦  
軾文其尺牘在人間皆深藏至是始復出

十一月余深罷

深嘗諫上以取閩中花果之擾王黼曰此太平末事  
不足罷又曹輔初得館職乃深除之而輔兄弟有為

深門客者至是言者謂輔為深所使深遂求退出知  
福州

上以王黼為太宰

方臘反陷睦歙等州命譚稹討之

睦州青溪有洞曰幫源廣四十里羣不逞往往囊橐  
其間方臘家有漆園時造作局多科須諸縣抑配而  
兩浙皆苦花石綱之擾臘以妖術誘之數日之間嘯  
聚響應者至數萬人遂以誅朱勔為名縱火大掠驅

其黨四出兩浙都監蔡遵顏坦擊賊敗死遂陷睦州  
殺官兵千人於是壽昌分水桐廬等縣皆為賊所據  
僭號改元永樂 陷休寧縣執知縣趙嗣復脅之使  
降面斬二士以恐嗣復嗣復罵曰自古妖賊無長久  
者爾當舍逆以從順因我以歸朝廷朝廷必宥爾奈  
何使我降賊何不速殺我賊曰我休寧人也公宰邑  
有善政前後官無及公者我忍殺公乎委之而去未  
幾命嗣復知睦州 陷歙州將官郭師中士曹掾粟

先守獄詬賊遇害 陷杭州守臣趙霆遁廉訪趙約

死之 陷衢州彭汝方死之 陷處州縉雲尉詹良

臣禦賊為所執欲降之良臣罵曰往年王綸反戮於

淮南王則反磔於河北同惡無少長者皆棄市今不

鑒前禍猖獗至此旦暮官軍至爾等肉餽狗鼠矣賊

怒割其肉使自啗之且吐且罵死不絕聲良臣晚以

思得官時年七十上聞而憫之官其二子 陷剡縣

知縣宋旅死之 犯杭州王稟敗之於城外又敗之

於桐廬 犯越州守臣劉韜敗之 青溪令陳光以  
棄邑先遁尋伏誅

十二月以陳過庭為御史中丞

時睦寇猖獗過庭言致寇者蔡京養寇者王黼竄二  
人則寇自平又言朱勔父子本刑餘小人交結權近  
竊取名器賄賂狼籍罪惡彰著宜正典刑以謝天下  
時論韙之

盜宋江平

江犯淮陽及京西河北至是入海州界知州張叔夜  
設方畧討捕招降之

辛丑宣和三年春正月改譚稹為兩浙制置使以童貫  
為江浙淮南宣撫討方臘

初臘之亂王黼方鋪張太平惡聞有外寇且峻責浙  
西提刑急捕治勿張皇生事因不敢直奏賊遂不可  
制至連陷婺州上大恐中都為震始遣譚稹稹逗留  
不進及賊入杭乃遣貫行時征北事起陝西勁兵多

聚輦下盡發以往上微行送之握貫手曰東南事盡付汝有不得已者竟以御筆行之

大赦

以復燕京也

罷蘇杭造作局

先是二州置局造作器用曲盡其巧牙角犀玉金銀竹藤畫糊抹雕刻織綉諸色匠人日役數千而財物所須悉科於民民力困乏上嘗罷之諛諛人猶責其



工程進奉不絕未幾復置至是以方臘亂浙西悉詔  
罷之

二月罷御前綱運

禁般載花石入京初江淮發運司於真揚楚泗各有  
轉般倉綱運兵士各有地分不相交越每舟虛二分  
容私商以利舟人又載鹽回運兵士稍便之後因內  
侍何忻以宿州靈璧縣山石進御前又朱勗以江浙  
奇花果木起綱發運司新裝舟船撥充御前綱以載

花石其餘敝舊者以載網運直達京師而轉般倉廢  
新網多重載容私商又鹽法變改無回運舟兵苦之  
多逃亡而為盜糧運不繼至是罷花石網使之般運  
糧儲

三月親試舉人

賜何渙舉人以下六百餘人及第出身有差 詔梁  
師成下使臣鄧宏曹組時令就殿試賜同進士出身  
是春日有青

忽青黑無光其中洶洶而動若鉦金而湧沸狀日旁  
有青黑正如波光周回旋轉將暮而稍止是時睦賊  
未平人多憂之以謂禍難必未已也

夏四月貴妃劉氏薨追謚明節皇后

劉氏本酒家女也性穎悟能迎旨合意林靈素以  
左道幸謂上為長生帝君謂妃為九華玉真安妃每  
神霄降必別置安妃位

方臘平

童貫與王稟劉鎮兩路軍豫約會於睦歛間包幫源洞表裏夾攻至是鎮與楊可世馬公直率勁騎從間道奪賊門嶺平旦入洞賊二十餘萬衆腹背抗拒轉戰至晚克徒糜爛流血丹地火其屋萬間稟以奇兵斬賊五千餘級鎮所斬亦如之釋脅從者數萬稟尋及辛嗣宗楊惟忠生擒方臘於幫源山東北隅石澗中並其妻孥兄弟偽相侯王共三十九人振旅凱還奏捷於朝其表有曰孰謂廉頗之已老尚堪李靖之

一行又曰遂成希世之功等語識者笑之 臘破六  
州五十二縣殺平民二百餘萬王師自出至凱旋凡  
四百五十日臘至八月始伏誅 尋赦江浙淮南等  
路改睦歙二州為嚴州徽州

五月金使來

詔國子司業權邦彥內侍董師禮館之未幾師禮傳旨  
邦彥曰大遼已知金人海上往還難以復如前議諭  
金使令歸邦彥驚曰如此則失其歡心曲在朝廷矣

師禮入奏復傳旨候童貫回議之留闕下凡三月餘  
方遣人送歸國書只付其使回不復遣使後赫魯等  
自海上歸至其國阿固達得書意朝廷絕之乃命其  
弟國相貝勒並尼堪烏舍等悉師渡遼而西用遼  
降人伊都為先鋒趨中京

竄陳過庭張汝霖

初過庭為中丞日乞罷冗官之以御前使喚為名者  
汝霖為西轉運請罷進花果上既嘉納矣至是王黼

露章劾之以為爵祿泛濫政事猥并天下賦入殆不能支而議者弗為此圖乃敢懷奸興謗每於奉上之事動欲侵損如過庭欲廢御前使喚之人汝霖違令更不歲進花果伏望留神自今有此必正典刑於是過庭自知斬州貶黃州汝霖貶均州

閏月置應奉司命王黼及內侍梁師成領之

初方臘之亂黼承上意罷蘇杭造作局及諸所局而內侍復以言動黼黼大悔悟且懼失權勢乃乞創應

奉局於私第而自領之黼言臣累奏士大夫懷奸弗  
俊抑損應奉意在妄為譏謗望特置應奉一司專總  
領以杜姦謀從之仍令梁師成總領於內於是右司  
周武仲見黼論其不合黼變色曰九式九貢正周官  
太宰所執由是不悅武仲黼自蔡京致仕悉反其所  
為當時聲稱翕然而黼既得位乘高勢而為邪多蓄  
子女玉帛以自奉稍襲京迹及應奉司之置黼為上  
宰而親領之奪運發漕輓之卒以為用戶部不敢詰



四方珍異之物充牣二人之家而入尚方者纔什一  
每陪扈曲燕至為俳優荀賤之技以獻笑取容時  
鄆王楷有寵或妄傳有廢立之意黼知中外嫉已不  
自安欲以是為竒貨東宮長子諶已除節度使封國  
公黼言於上以為皇孫始封但當為觀察使令宮臣  
耿南仲至其第令代東宮奉辭諶免官竟奪節度使  
而童貫陰附之謀搆東宮矣

六月河決恩州

黑青出

洛陽京畿忽有物如人或如犬其色黑不能辨眉目  
夜出掠小兒傷食之蓋黑青云如是二歲乃息

秋七月童貫進太師譚稹加節度

冬十月童貫復領陝西兩河宣撫

諸路蝗

壬寅宣和四年春正月加梁師成開府

內侍官謂之家臣自古無賜坐者其在禁中則不可

知外庭未嘗見也時童貫為太師領樞密院視宰相師成為開府亦視宰相春秋大燕巍然坐於宰相之上與人主講勸酬之禮且家臣為師傅於義尤悖貫以領樞密日與宰相同班進呈畢即自屏後入內復易窄衫與羣閹為伍出則為大臣當體貌之禮入則為近侍執使令之役古所未有也

二月雨雹

三月幸秘書省太學

命祭酒韋壽隆講書司業權邦彥講詩下武

遼主天祚奔夾山耶律淳立

金人攻陷遼中京中京奚國也遂兵至松亭關以與  
我有各不過關之說止引兵由其西而過遼主天祚  
先已引避又聞女真用伊都為先鋒蕭奉先曰伊都  
宗支也豈欲亡遼不過求立其甥晉王耳何惜一子  
伐其奸謀遂賜晉王死晉王賢而死非其罪聞者揮  
涕自此人心益携有言伊都將至者天祚震驚率騎

兵五千奔雲中留宰相張琳李處溫與燕王淳守燕  
天祚至雲中遂取馬三千匹入夾山因謂蕭奉先曰  
使我至此皆汝之由急去人不容汝奉先慟哭辭行  
去二十里為左右所殺淳守燕二十年得人心天祚  
既奔夾山李處溫與其弟處能及子奭及都統蕭幹  
挾怨軍謀立淳乃率燕京數萬人勸進淳慟哭不得  
已即位改怨軍為常勝軍自號天錫皇帝改元建福  
降天祚為湘陰王淳主燕雲平上中京遼西六路而

沙漠以北諸番部天祚主之猶稱保大二年遼國自  
此分矣金人追至雲中蕭扎拉降進追天祚幾及凡  
行帳輜貨及其幼女盡俘獲之天祚有四子長趙  
王次晉王次秦王次許王晉王有人望秦王母元妃  
兄蕭奉先慮秦王不得立密圖之會晉王母文妃姊  
適耶律達哈拉妹適伊都達哈拉妻嘗過伊都家奉  
先密告其結伊都將立晉王伊都聞之懼遂擁千餘  
騎并骨肉叛歸女真天祚遣追之及於間山衆議若

擒伊都送奉先則吾曹皆伊都也不若結之為利皆  
曰諾於是給云追之不及伊都既亡奉先懼諸將皆  
叛乃峻加爵賞以慰其心

夏四月命童貫蔡攸帥師巡邊

耶律淳既立遣使來告謝上以天祚在夾山淳安得  
擅立令雄州却之遂遣貫勒兵十五萬巡邊攸副之  
下詔復幽燕故地仍以三策付貫如燕人悅而取之  
因復舊疆上也耶律淳納款稱藩次也燕人未復按

兵巡邊下也貫啟行上微出北郊餞之 貫之遣也  
鄭居中力陳不可又謂蔡京曰使百萬生靈肝腦塗  
地公實為之貫遣張寶趙忠諭耶律淳舉國內附淳  
執二人斬之

加高俅開府

舊制殿帥早朝退至殿門於宰執閣於階不相揖捲  
簾二三尺以為禮俅以隨龍人不數年至太尉至是  
又加開府恩比宰相每遇王黼於路則分道而行傳



呼相揖故事盡廢矣

五月我師與燕人遇戰失利六月退保雄州

童貫至高陽闕駐軍用知雄州和訖計降黃榜及旗  
述弔民伐罪出於不得已之意如敢殺人並從軍法  
若有豪傑以燕京來獻除節度使遂命种師道盡護  
諸將分兵為兩路种師道總東路之兵屯白溝辛興  
宗總西路之兵屯范村又分麾下之兵授訖從師道  
行耶律淳遣達實林牙領一千五百餘騎屯涿之新

城貫遣馬廣齋軍書入燕達實林牙謂其使人王介  
儒曰過河語童貫欲和偕還作善隣不和請以兵相  
見毋令諸軍徐苦也前軍統制楊可世信訛言謂燕  
人久欲附必迎王師止將輕騎數千過界趨蘭溝甸  
先遣人以旗榜渡河橋開示達實林牙見之叱之曰  
有死而已可世為所掩被傷而退淳益兵二萬遣蕭  
幹統之將渡白溝諸將皆欲迎戰師道如貫約曰不  
可妄殺諸將憮然翌日敵亟來攻我堅壁不動敵尋

退蕭幹迎戰於范村甚力興宗遣楊可弼救之仍自督戰敵乃却駐十二日師道興宗以敵勢尚熾乃議還師退保雄州其日北風大雨雹敵兵大至以背盟詬我薄暮始還營於界河敵遂至城下使來曰女真之叛本朝亦南朝之所甚惡也舍此不圖而欲射利棄好結叵測之鄰基他日之禍謂為得計可乎貫遣參議官劉韜與遼使介儒議再修好始和詵贊取燕及見事寔異又使其子璟詣蔡京以為不宜取其

反覆類此 於是童貫以為契丹尚盛和詵侯益探  
報不實妄請興師乞行軍法上聞師敗懼甚遂詔班  
師

耶律淳死遼人立其妻蕭氏為太后

蕭幹與達實林牙立淳妻蕭氏為太后改元德興

八月阿固達追襲天祚於國崖擒其都統蕭規天祚  
脫身去及夏國引兵數萬襲天德軍阿固達遣偏師  
七千擊破之於是乘勝遂因秋成並邊牧馬休兵屯

奉聖州之東

秋七月初收經制錢

去夏命陳遘經制江淮荆浙福建七路諸司財計置  
司杭州至是遘請七路典賣田地契錢每一貫足增  
收二十文通舊無過一百文省充經制移用經制錢  
始此

九月竄宋昭

上書極言遼國不可攻金人不可鄰異時金人必先

敗盟為中國患乞誅王黼童貫李良嗣等言極激切  
至謂兩國之誓敗盟者禍及九族陛下以孝理天下  
其忍忘列聖之靈乎陛下以仁覆天下其忍置河北  
之民於塗炭之中而使肝腦塗地乎仍乞親自奉使  
以和解其事詔散郎宋昭上書狂妄除名勒停編  
管海州初師行即詔妄議北事者即罰無赦執政廷  
臣時無一言獨昭上書言其事遂坐之 龍圖閣直  
學士任諒亦貽時相書論耶律氏不當滅絕人初以

為狂也

金使來

貝勒烏舍高慶裔等來初朝廷回書附其使還不遣使報金金疑吾有謀用是未嘗先報師期輒進兵取中京移軍白水灤襲破天祚行帳既占雲中府山後州縣忽聞童貫舉兵阿固達與羣下議恐爽約自我或南朝徑取燕則歲賂不可得遂專遣使來烏舍等奏如聞貴朝遣童貫舉大兵壑境不報本國故遣臣

來聘館伴趙良嗣答曰聞貴朝取西京雖不得報已  
令童貫舉兵以應夾攻之約彼此不報不足較也上  
待烏舍等甚厚賜予不貲至輟御茗調膏賜之引登  
明堂入龍德宮蕃衍宅別築離宮無所不至禮過契  
丹數倍慶裔渤海人桀黠知書雖外為恭順稱藩頌  
德而屑屑求故例不已烏舍等又詣王黼第計事面  
授回書略曰所有漢地及夾攻並如昔議慶裔曰夾  
攻一段且莫是候本國兵來否良嗣曰縱本朝乘勝



下燕亦與已許歲幣初不必計先後也

趙良嗣報使

馬擴副之

我師再舉遼高鳳郭藥師以易州涿州來降

自耶律淳死蕭后專政契丹恐漢人應南軍將謀殺之時管常勝軍郭藥師有意歸朝而四軍蕭幹聞我師再壓境忽自燕來涿州藥師以為圖已乃召蕭幹開燕款密說其歸我幹不從而去藥師以餘慶嘗薦已不敢害之即召所部說曰天祚失國女政不綱宋天

子重兵壓境此男兒取金印之時於是萬口響應因  
監軍蕭餘慶遣人奉表來降時高鳳亦以易州來歸童  
貫自河間復回雄州時已在道藥師至受之以其軍  
八千并易州義兵五千並隸延慶為鄉導軍聲大振  
初貫攸回軍至河間二人既敗事相持而哭但招  
集亡潰冀保雄州而已忽知中山府詹度奏耶律淳  
死燕人有越境而至者於是王黼復有覬幸之心鄭  
居中又以為不可聽詔貫攸無歸異議者斬聚諸道兵

三十萬復欲用种師道為帥師道力辭又造堂曰太祖嘗出收燕山圖示趙普普曰此必曹翰所為然翰能取之陛下使誰守之太祖遂卷圖而入如師道非才豈敢望翰今朝謀帥設有如翰者又使誰守之於是師道以避事落節度而更以劉延慶為都統制約九月會三闕屬蕭后遣蕭容韓昉來奉表稱藩貫攸視副本止云納款稱臣揮之而去曰須納土乃受昉笑曰納款即納土也

冬十月我師潰於盧溝河

劉延慶郭藥師等自雄州趨新城劉光世楊可世自安肅軍出易州遂會於涿州時兵衆五十萬進駐盧溝河契丹四軍蕭幹亦於燕城十里外築壘與我師相拒日遣騎渡河擊我嘗縱兵犯中軍藥師言曰四軍者既以全師抗我則燕城必虛宜遣輕騎擊之延慶即用其策選常勝軍并西兵五千騎間道襲燕夜半渡河銜枚而進質明常勝軍五十騎雜鄉人奪迎

春門以入大軍繼至燕城七門各以二百騎守之下  
令曰燕人盡降契丹盡殺不意契丹兵尚多而我師  
已驕所至紛然四掠藥師遣人諭蕭氏使降不從我  
師與敵合戰至晚不解蕭幹知我師入燕亟來救或  
告藥師城外塵起必有救兵至諸將皆謂延慶遣兵  
來助登高望之則燕王塚上立四軍旗矣四軍兵自  
南門入人皆死鬪藥師屢敗奔門不得出盡棄馬繩  
城而下死傷過半還者數百騎而已時大軍屯盧溝

河者未動蕭幹兵纔數千得漢兩人留帳中夜半偽相語曰聞漢兵十萬吾師三倍當分左右翼以精兵衝其中舉火為應殲之無遺陰逸其一人歸報既夕而遁衆軍遂潰自相蹂踐而死幹遣騎來追至涿水北乃回自熙寧以來所積軍實掃地盡矣上始知藥師但跳入燕城尋已退遁而延慶師潰手詔責貫攸等曰吾今不復信女矣

十一月庚午郊

王黼言郊日陰雲解剝陽景來臨壁月垂耀信星彪  
列非霧非煙磅礴晝靄已事而退密雪四委乞拜表  
稱賀從之

金使來議割燕山地

初朝廷與女真約但求石晉故地初不思平營灤三  
州乃劉仁恭以遺契丹故女真不肯割盡蓋王黼疎  
謬如此至是趙良嗣馬擴見阿固達於奉聖州金主  
令其弟國相貝勒與計事貝勒以往歲不遣報使今

歲出兵失期為言云今更不論元約特與燕京六州二十四縣謂薊景檀順涿易也良嗣答以兩朝皆以信義為主元約山前山後十七州今乃如此信義安在與之辨論數四卒不從於是以國書付良嗣等與其使偕來仍留馬擴於軍前

趙良嗣報使

送金使還且求營平灤三州

十二月金人入燕



初童貫蔡攸再舉不能下燕懼無功獲罪密遣其客  
王瓌由飛狐路邀阿固達令圖之瓌見阿固達具言  
貫兵已壓燕境乞如約夾攻阿固達遣瓌先歸遂分  
三道進兵尼堪趨南暗口達蘭駙馬趨北牛口阿固  
達趨居庸關時馬擴隨軍行阿固達謂擴曰我初聞  
南軍到盧溝有入燕者我心亦喜將歛軍歸國却聞  
劉延慶一夜燒焚而遁何至此耶一二日間到關汝  
觀我家用兵有走者否契丹聞阿固達至棄關而遁

遂入居庸闕軍皆蓐食時到蕭氏聞居庸失守夜率  
蕭幹等疾行五十里金人游騎及城統軍蕭伊遜開  
門納之於是宰相以下皆降阿固達遣五百騎護送  
馬擴歸朝獻捷

遼蕭氏奔夾山

金人之入燕也達實林牙以蕭氏歸遼主延禧於夾  
山延禧殺蕭氏蕭幹以奚渤海人入奚

是歲高麗王侯死

子偕嗣侯在位三十八年

癸卯宣和五年春正月金使來趙良嗣報使

先是良嗣至軍前阿固達曰平灤等州若必欲取并  
燕京不與汝家矣以國書副本示良嗣讀至燕京用  
本朝兵力攻下其租稅當輸本朝良嗣曰租稅隨地  
豈有與其地而不與其租稅者尼堪曰燕京自我得  
之則當歸我大國熟計若不早見與請速遣涿易之  
師無留我疆於是遣李靖王度色埒默與良嗣偕來

李靖既對遂見王黼黼謂靖曰租稅非約也上意以  
交好之故欲以銀絹充之靖復請去年歲幣上亦特  
許遂命良嗣與靖再使良嗣偕靖抵燕京見阿固達  
曰本朝狗大國多矣豈平灤一事不能相從耶阿固  
達曰平灤欲作邊鎮不可得也遂議租稅阿固達曰  
燕租六百萬止取一百萬不然還我涿易舊疆常勝  
軍亦當還我吾且提兵按邊良嗣曰本朝自以兵下  
涿易今乃云爾豈無曲直耶且言御筆許十萬至二

十萬不敢擅增乃令良嗣歸報過半月不至吾提兵  
往矣時左企弓為金人謀嘗以詩獻之曰君王莫聽  
捐燕議一寸山河一寸金故金人要我不已金人自  
以金軍護送擄獲東歸又山後告急以天祚謀復故  
地而張鼓據平州不能無懼自南使過盧溝悉斷橋  
梁焚次舍亦恐我不從而自防也良嗣等留雄州以  
國書遞奏其畧云貴朝兵不克夾攻特因已力下燕  
所以拘租金據燕管內每年租六百萬貫良嗣等許

御筆二十萬以上不敢自專其平灤等州不在許限  
倘務侵求難終信義仍速追退過界之兵詔復遣良  
嗣自雄州再使金國國書畧曰本朝與貴朝通和每  
曲從所欲以成交契今代稅之物悉如來諭阿固達  
大喜遂議雲中地烏舍曰皇帝言趙皇大度增百萬  
一言不辭今求西京何辭以拒然其民却待遷去良  
嗣曰若止空城安用之烏舍笑曰此無他皇帝意欲  
南朝犒賞諸軍耳

三月金使來盧益報使

尼楚赫王度色埒默持誓書草同良嗣來議西京  
犒賞金帛引對上許以二十萬乃遣兵部侍郎盧益  
等持國書及誓書議交燕京日子良嗣與尼楚赫皆  
言金許還西京且求犒軍物二十萬而國書并誓書  
乃無一語及西京者蓋良嗣與尼楚赫共為欺罔卒  
啟兵端

夏四月金人來歸燕京六州

先是盧益與金使尼楚赫至燕山金人止之以俟犒  
師金帛已乃得見烏舍等先索誓書觀之斥字畫不  
謹屢却回令至京師易之益等諭以主上親御翰墨  
示尊崇大國之意猶不聽凡改更三四朝廷皆曲從  
之且言近有燕人趙溫訊李處能等逃去南朝須先  
見還方可議交燕地趙良嗣諭宣撫司縛溫訊與之  
既至尼堪釋其縛以為用遂遣楊樸以誓書及燕京  
涿易檀順景薊六州來歸且索米二十萬石 初祖



宗時遼使至待遇之禮有限不示以華侈且以河朔  
逼近都邑故迂其途多其里堠次第為之燕犒而後  
至皆防微杜漸意也及王黼之遣趙良嗣惟務速以  
擅其功與其使人限以七日自燕山至闕下凡四五  
往返然每至輒漸加禮誇之以富盛金人因之自負  
要索不已黼遂許與遼人舊歲幣四十萬之數外每  
歲更添燕山涿易順景檀薊一百萬緡代稅錢金人  
既得所欲乃許我又索營平二州則曰海上脚根底

元約石晉所獻之地當如元約於是我無辭又索雲  
中一路則曰雲中久為我有中國安得之中國亦無  
如之何姑欲得燕山且掩挫敗之醜以塞中外之議  
因割燕山府涿易檀順薊景為一路而歸其代稅錢  
一百萬緡又議折中貨物以補其闕於是又遣良嗣  
議折物凡絹三十萬疋絲綿稱是金人每喜南貨故  
雖木綿亦二萬段香犀玳瑁碗碟匙筋皆折閱倍償  
之至如龍腦每兩折八貫則皆良嗣其中為姦也約

既定復索禮數因盡還其待大遼敵國之禮惟不稱兄弟而已燕山之地易州西北乃金坡關昌平之西乃居庸關順州之北乃古北關景州東北乃松亭關平州之東乃榆關榆關之東乃金人之來路凡此數關蓋天所以限蕃漢也一夫守之可以當百朝廷之割地若得諸關則燕山之境可保矣然關內之地平灤營三州自後唐為契丹按巴堅陷之後改平州為遼興府以營灤二州隸之號為平州路至石晉之初

按巴堅子耶律德光又得燕山檀順景薊涿易諸郡  
建燕山為燕京以制六郡號為燕京路而與平州自  
成兩路始朝廷自海上議割地但云燕雲兩路而已  
蓋初謂燕山之路盡得關內之地殊不知關內之地  
平州與燕山異路也由是破遼之後金人復得平州  
路金人既據平州則關內之地蕃漢雜處故幹里雅布  
至自平州入寇此當時議割燕雲不明地理之故也  
童貫蔡攸入燕

貫攸帥師入燕先曰交割後曰撫定燕之金帛子女  
職官民戶為金人席卷而東朝廷捐歲幣數百萬所  
得空城而已尼堪猶欲止割涿易阿固達曰海上之  
盟不可忘也我死汝則為之海上初約燕人歸南朝  
奚渤海契丹人皆屬金國而郭藥師等渤海人上下  
方以為撓議欲對換為之却收其田宅既可贍常勝  
一軍為用又不煩朝廷錢糧童貫然之遂亟奏稟王  
黼許焉蓋獨以常勝軍為童貫而已

卷二十九  
赦兩河燕雲路

童貫蔡攸奏撫定燕人老幼懽呼迎謁南向焚香上  
祝聖壽又言燕山父老皆謂自冬至春不雨昨日王  
師撫定雨澤隨至王黼即率百僚表賀遂降曲赦  
初盧益與金使尼楚赫等具言金人許西京及益與  
楊樸復來國書姑載交西京邊界等路而誓書不及  
西京朝廷惟信趙良嗣等虛詞謂金誠許歸我雲中  
故曲赦并及山後然當時實未始得山後土地也其

後得武朔蔚三州旋復失之

五月王黼加太傅總治三省事

詔黼已除三公依蔡京例總治三省事

祭地

金阿固達死弟烏奇邁立

改元天會號阿固達為太祖大聖武元皇帝烏奇邁  
改名為晟

遼張毅以平州來降

穀燕人仕遼知契丹將亡盡籍丁壯得五萬潛練兵  
為備金人既下燕尼堪謂參政康公弼曰我欲遣兵  
擒張穀何如弼曰若加之兵是趣之叛也公弼昔居  
此州願往伺而圖之遂見穀諭金人之意穀曰契丹  
八路今特平州存耳敢有異志所以未釋甲者防蕭  
幹耳厚賂公弼公弼達其語於尼堪尼堪信之改平  
州為南京加穀同平章事至是烏奇邁新立遂遣左  
企弓等歸時燕人患遠徙私訴於穀曰企弓不謀守



燕而使吾民流離至此近聞天祚復振若明公仗義  
首圖興復先責企弓等罪而殺之縱燕人歸南朝宜  
無不納如金人復來內用平州之兵外借南朝之援  
何懼乎穀名翰林學士李石問之石以為然遂拘企  
弓數其罪殺之石與三司使高履詣燕山說王安中  
曰平州形勢之地張穀綜練之才足以禦金人安燕  
境幸招致之母令西迎天祚北合蕭幹為我患安中  
入其語送石履赴闕改石名安弼履名黨又延康殿

學士趙敏修者乃遼相李處能也於是敏修安弼黨  
三人日詣王黼白事朝廷多從其說穀遂竟以平州  
來附金人聞穀叛遣棟摩國王將騎二千討之穀率  
兵迎拒金人以兵少不交鋒大書州門有今冬復來  
之語穀即妄以捷聞於宣撫

六月加朱勔節度

以燕山之役勔馳驛得命有勞故也

秋七月童貫致仕

初貫上表告功落節鉞為真太師遂乞加上尊號不  
許及與蔡攸歸自燕山頗失上意王黼梁師成共薦  
譚稹為宣撫副使交雲中之地貫尋命致仕稹遂為  
宣撫仍駐河東金人以燕山地要害實不我與但浮  
沉其辭而我之使人昧利貪寵欺誑朝廷因是日生  
希覲稹出師至太原會烏奇邁新立猶未暇治山後  
於是朔州韓正應州蘇京蔚州陳相皆通款於我稹  
即除官因任朝廷謂稹有嘉靖之功尋遷少保云

禁元祐學術

中書省言福建路印造蘇軾司馬光文集詔令毀板  
今後舉人傳習元祐學術者以違制論 明年又申  
嚴之冬詔曰朕自初服廢元祐學術比歲至復尊事  
蘇軾黃廷堅軾廷堅獲罪宗廟義不戴天片文隻字  
並令焚毀勿存違者以大不恭論靖康初罷之

八月辛巳日當食不見

陰雲蔽之王黼乞付史館

遼將和哩布犯燕山我師敗之

和哩布者蕭幹也金人既陷燕京幹就奚王府自立  
為神聖皇帝國號大奚改元天復奚人濟幹出盧龍  
嶺攻破景州又敗常勝軍於石門鎮陷薊州寇掠燕  
城其鋒甚銳有涉河犯京師之意人情洶洶頗有謀  
棄燕者童貫自京師移文王安中詹度郭藥師等切  
責不已而安中命藥師大破其衆乘勝窮追過盧龍  
嶺殺傷過半幹遁去尋為其下所殺傳首京師先

是詔以王安中知燕山府詹度郭藥師同知藥師以節鉞欲居度上度稱御筆所書有序藥師不從兼常勝軍橫甚度不能制朝廷恐其交惡九月以度與知河間府蔡靖兩易其任靖有城府開懷待藥師藥師亦重靖稍為損然終不得其柄也藥師在燕山凡有所請朝廷無不從又遣部曲商販諸路為奇巧之物以奉權貴下及小璫無不喜之者時常勝軍及鄉軍號三十萬戍兵惟九千人無能為也藥師及燕人終

不改左衽時人比之祿山 明年春童貫自真定瀛  
莫入燕山攜常勝軍奏請河北置四總管中山辛興  
宗真定王元河中楊惟忠大名王育人招逃卒及刺  
游手之人為軍又請專委蔡靖知燕山召王安中還  
朝皆從之貫尋入京

冬十月雨木冰

十二月班御註列子莊子

詔國子監刊御註冲虛至德真經南華真經頌之學

者

幸王黼第觀芝

黼專結梁師成既為相再賜第於城西開便門與師  
成對街以相往來及燕山告功黼益得意乃妄言家  
之屏風生五芝請上臨幸上既幸府第又自便門過  
師成復來黼家駐蹕曰關黼自出傳旨賚賜命放  
散侍從百官於是禁衛諸班直爭願見上謝恩不肯  
散因大詢訕師成譚稹乃扶持上出撫諭之猶洵洵



不已已而復入夜漏上五刻乃開龍德門復道小墻  
所謂鹿塞門者以還內官者十餘人執兵衛之而去  
三衙衛士無一人得入者是夜諸班禁從皆集教場  
備不虞幾至生變翌日猶不御殿殆半日人心始少  
安祖宗以來臨幸未之有也

### 金人陷平州

張穀又遣其弟來通款朝廷授穀節度使世襲平州  
令李安弼齎詔仍以金花箋御筆付其弟授穀時外

庭莫知其端燕山路轉運趙良嗣力爭不可以為恐  
必招女真之兵朝廷不從穀聞有詔至率官吏郊迎  
金人諜知之以千騎襲破平州得朝廷所賜穀詔穀  
挺身走燕山其弟懷御筆以走又為金人所得自是  
歸曲朝廷累檄宣撫司取穀朝廷不得已命王安中  
縊殺函首送之未幾金太子斡里雅布由平州路將入  
寇矣

十二月金使初來賀正

初賀正旦也

招河東義勝軍

譚稹奏常勝軍恣橫乞於河東別招一軍分其權勢  
優其餼廩號義勝軍凡五萬人多燕雲降卒也

甲辰宣和六年春正月御樓觀燈

上元節也故事天子御樓觀燈則開封尹設次以彈  
壓於西觀上下時從六宮於其上以觀天府之斷絕  
者簾幕深密下無由知衆中忽有人躍出墨黑色布

衣若寺僧童行狀以手畫簾出指斥語執於觀下上  
怒甚命中使傳旨治之蚤掠亂下又加炮烙詢其誰  
何略不一語亦無痛苦之狀又斷其足筋俄施刀鬻  
血肉狼藉上大不悅為罷一夕之懼至暮竟不得其  
何人付獄盡之 明年八月有都城東門外鬻菜夫  
至宣德門下忽若迷罔釋荷擔向門戟手而言曰太  
祖皇帝神宗皇帝使我來道尚宜速改也邏卒捕之  
下開府獄一夕方省則不知所云為者乃於獄中盡

之

置措置書藝所

生徒以五百人為額

二月陳瓘卒

於楚州范純仁晚年益以天下自任尤留意人才或  
問其所儲人才可為今日用者答曰陳瓘又問其次  
曰陳瓘自好也蓋言瓘可以獨當天下之重也宣和  
之末人憂大厦之將顛或問游酢以當今可以濟世

之人酢曰四海人才不能周知以所識知陳了翁其人也睢陽劉安世亦嘗因瓘病使人勉瓘以醫藥自輔云天下將有賴於公當力加保養以待時用瓘彈蔡京疏謂重南輕北分裂有萌論者推其先見瓘嘗為別試主文蔡卞聞瓘欲取史學將因此害瓘而因禁絕史學瓘乃於五名前悉取談經及純用王氏之學者卞無以發然五名之下往往皆博學稽古之士瓘嘗曰隨時所以救時不必自快目前也 蔡

京知瓘才待之加禮瓘不肯附性恬於進取雖諸公  
交薦逮居言職所疏奸惡雖死不避也嘗曰彼則舉  
爾所知此則為仁由已 靖康初贈諫議大夫官其  
一子

三月金人來勾糧

金人遣詣宣撫司索所許糧二十萬斛譚稹曰二十  
萬斛豈易至耶兼宣撫司未嘗有片紙隻字許糧之  
文其使曰去年四月趙良嗣已許矣稹曰良嗣口許

豈足憑耶終不之與金人怒及舉兵亦以此為辭云  
閏月京師河東陝西地震

去冬及正月地震至是又震宮中殿門皆搖動且有  
聲河東陝西尤甚其蘭州地及諸山草本悉沒入西  
山下麥苗乃在山上朝廷遣右司郎官黃潛善為察  
訪因按視焉及歸圖進曰震而已所傳則非也上意  
遂安潛善又以迎合銅鐵事除戶部侍郎

夏四月親試舉人



賜沈晦以下八百人及第出身有差 時內侍梁師  
成益通賓客招賂賂士人納錢數千緡即令赴廷試  
以獻頌上書為名而官之至百餘人及唱第日侍於  
上前奏請升除皆出其口其小史儲宏者亦登第而  
執廝養之役如初

五月金使來

告嗣位也

六月科免夫錢

燕地雖號沃壤而金人席捲一空時常軍五萬興成

兵九千月給糧已十餘萬石而他軍及官吏不與焉故悉出河北河東山東之力以饋給之纔一年而三路皆困蓋科配既大道阻且長率費十餘石至二十石始能至一石於燕山民力不堪上殊不樂欲罷王黼黼懼計無從出遂與省吏謀作免夫之令冀得少久其位乃下詔曰自燕雲之復兩河京東屢經調發民力已疲若不假諸路之力其何以濟可措置調夫京西八萬淮南四萬兩浙六萬五千江南九萬七千

福建三萬五千荆湖八萬八千廣南八萬三千四川  
十七萬八千並納免夫錢每夫三十貫委漕臣限兩  
月足違依軍法尋降御筆諸路調夫以供邊計應宗  
室后妃戚里宰執之家及宮觀寺院雖特旨免科者  
一例均輸於是徧率天下所得纔二十萬緡而結怨  
四海矣 先是殿中侍御史李景衡言財匱民困元  
豐左庫每月約支三十六萬緡今月支一百二十萬  
緡不急之務若營繕諸役及花石綱與吏員猥多軍

額冗濫又無名功賞非常賜予皆夤緣倖倖干請無厭宜節以祖宗之制而省去之近年常賦之外絹帛別有和買法買有常平司和買應副燕山和買采穀則有和糴均糴有補上供和糴應付軍糧和糴撥發司和糴州縣促辦府庫空虛無以償其直民間歲獲盡輸之官而猶不足則破產繼之見行鹽法名曰招誘商販其實抑配耳況茶鹽祖宗舊法並俟歲中第其增虧今鹽法乃逐季比較官吏畏罪希賞遂行口

斂故每田一畝有歲買鹽八斤者若此之類民尤不堪曾未聞以實告朝廷者唯知奉行檄符以邀寵耳不報

禁衝改元豐法制

犯者以不恭論

許亢宗使金

以著作郎為賀嗣位使亢宗至金國拉林河金人所居館燕悉用契丹舊禮如結綵山作倡樂尋幢角抵

之技鬪雞擊踘之戲與中國同但於衆樂後飾舞女  
數人兩手持鑑上下類神祠中電母所為者莫知其  
說其國初無城郭四顧莽然皆草舍以居至是方營  
大屋數千間日役萬人規模亦宏侈矣

秋七月置製璣衛所

以王黼總領梁師成副之

衛膚敏再使不至而復

以校書郎為賀生辰使膚敏言彼生辰後天寧節五

日今未聞彼遣使吾反先之於威重已缺萬一不至  
為朝廷羞請至燕山候之脫若不来則以幣置之境  
上上以為然至燕山金人果不来遂置幣而返

金人攻陷應蔚等州

八月童貫落致仕兩河燕山路宣撫

初金人納夏羌之請割拓跋故地雲中二千里遺之  
止以宣武二州歸我至是夏人舉兵侵朔武地界譚  
稹遣李嗣本禦之兵數交夏人未即退聽又金人以

朝廷納張穀屢出怨言及嘗借糧既許之矣稹不時給金人愈怒遂攻應蔚遂守臣蘇京殺陳翊又陷飛狐靈邱兩縣絕山後交割之意朝廷罪稹措置乖方詔落太尉致仕除貫落致仕仍領樞密院事河東北燕山路宣撫使是時遼主天祚在夾山上欲誘致之始遣一番僧齋御筆絹書通意及天祚許歸則易書為詔待以皇弟之禮位燕越二王上築第千間女樂三百人天祚大喜貫之是行名為代稹交割山後土



地其實已約天祚來降自往迎之也是冬貫遣馬擴  
辛興宗使尼堪軍至雲中會尼堪已歸國留烏舍權  
元帥責以庭參禮卒不相見第使高慶襲傳言以朝  
廷先遣誓書招納叛亡雖山後亦難以便交擴歸告  
貫以敵情不測乞速營備邊貫不能用

大赦

以復燕雲兩路之故

九月以白時中為太宰李邦彥為少宰

先是上待王黼異於他相名其所居閣為得賢治定且為書載廢堂以下凡九榜黼以父事梁師成稱恩府先生黼第側有複道過師成家上因觀芝就詣之始悟其交結狀歸而大悔乃拔時中邦彥以分其權而師成由此亦絀初上欲大用蔡攸既而悔之至是宣制罷因曰蔡六豈堪作相攸遂落節鉞仍領樞密院事趙野左丞宇文粹中右丞蔡懋同知樞密院事冬十一月王黼致仕

罷應奉司

置講議局十二月命蔡京兼領

詔以法式滋多流品猥衆僥倖路啟民力匱乏令尚書省置局講議命蔡京兼領

蔡京落致仕領三省事

五日一朝至都堂視事時河朔青齊間盜賊日熾動數十萬內外窘匱莫能支吾上意大不樂且曰崇觀間安至是哉又上意深倦於勤與中宮數有密議然

無人敢當其事中宮贊上名故老大臣分付上以為  
然遂決意用京恐京年高不能朝參遂命其子條以  
時入對傳道君臣之意 先是蔡攸以弟條鍾愛於  
其父因條私撰西清詩話專宗蘇黃為言者所論攸  
白上請殺之上憫京老不許止落職勒停仍詔毀板  
攸權勢日與父相軋輕薄者互煽搖以立門戶由  
是父子遂為仇敵攸累遷至太保燕國公 童貫欲  
收復雲中以奏議來上京主其說左丞宇文粹中對

以金誓書有俟挈天祚五七年後徐議之說恐今興兵則釁端啟其議遂已

### 兩京河浙路水

時灾異叠見都人有賣青果男人孕而誕子尊母不能收易七人始免而逃去又有酒肆號豐樂樓酒保朱氏子其妻年四十餘忽生髭鬚長僅六七寸疏秀甚美宛然一男子詔度為女道士

是歲河北山東盜起命內侍梁方平討之

時轉糧以給燕山民力疲困重以鹽額科歛加之連  
歲凶荒民食榆皮野菜不給至自相食於是饑民並  
起為盜山東有張仙衆十餘萬號敢熾張迪者衆五  
萬圍濬州五日而去濬州去京纔一百六十里而初  
不知河北有高托山者號三十萬自餘一二萬者不  
可勝計也遣方平率兵討捕之

乙巳宣和七年春正月遣使撫諭河北京西

持親書手詔撫諭詔略云諭告河北河東盜賊唐鄧

汝潁流移人戶方疇田蠶宜使復業言念良民皆吾  
赤子比緣用非其人政失厥中不能撫諭安集使饑  
寒流離扶老携幼動以萬計轉而為盜非其本心為  
之惻然其赦厥罪仍放未納租稅以禮部尚書洪中  
孚為宣諭使詔許招降中孚急於成功奏請出降者  
齊民復當年賦役軍士依元額收願削兵籍者聽由  
是鄉黨子弟競為盜以免稅卒伍有過竄名賊中皆  
得所欲大名尹徐處仁極言其弊中孚罷為宮觀處

仁又移書宰相曰人窮為盜理之必至昔谷永有言  
諸夏舉兵萌於民饑饉而吏不恤興於百姓困苦而  
賦歛重起於下怨離而上不知齊和帝時蜀有齊狗  
兒之役或嘲羅研曰卿蜀人貪亂一至於此研曰若  
令家蓄五母之雞二母之彘床上有百錢皮甑中有  
數升麥飯雖蘇張巧說於前韓白按劍於後不能使  
一夫之為盜况貪亂乎今朝下恤民之詔暮行害民  
之政丁寧懇至之言悉成虛文而望四民安業盜賊不



作難矣

金人滅遼

遼主天祚竄入陰夾山金人以力不能入恨其不出  
謂出必得之天祚亦以畏尼堪在雲中故不敢出至  
聞尼堪歸其國以烏舍代戍雲中乃率韃靼諸軍五  
萬并攜其后妃二子秦趙王及宗屬南來達實林牙  
諫之不聽遂越漁陽嶺而尼堪已回雲中故為金人  
所敗又畏中國不可伏乃謀奔西夏未至金人擒之

削封海濱王送長白山築城居之踰年而卒遼國遂  
亡 遼契丹蓋東胡之種在橫山之南本鮮卑舊地  
元魏時自號契丹初達呼哩氏有八子號八部其首長  
稱大人推一人為主得建旗鼓三歲一代至唐通天  
中陷營州至開元十一年克屯乃奉赤心之弟實固  
統衆詔許襲王梁貞明間諸部以耶律色勒迪少子安  
巴堅為主遂盡并奚渤海諸國始建元神冊不復受  
代自是常為邊患安巴堅至天祚凡九代

輸米於燕山

以燕山糧匱自京師輸米五十萬斛以濟之

罷京東西弓箭社

宣和四年提刑梁楊祖請置社既而邀功者請五等之籍悉入之民不堪擾滋起為盜故臣僚請罷之楊祖落職

三月朔雨雹

夏四月蔡京致仕

京自再領三省未幾目昏不能視事事皆決於子條  
條福威自任同列不能堪一日京以竹紙批出十餘  
人令改入官與寺監簿或諸路監司屬官其間有不  
理選限者有未經任者有未曾試出官者及參選者  
仍令尚書省奏行右丞宇文粹中上殿進呈事畢出  
京所書竹紙奏云昨晚得太師蔡京判筆不理選限  
某人未經任某人未曾試出官參選其人皆令以改  
名入官求差遣上曰此非蔡京批字乃京子第十三

名條者筆蹟京今次與事老耄無一能為專聽此後  
生之言遂先罷條侍讀蓋將以是撼京而京畧無去  
之意上乃召童貫使詣京諷之致仕貫既宣旨京泣  
曰上何不容京數年必有讒譖者貫曰不知也京不  
得已引退 自京為相不數年子六人孫四人為執  
政從官嘗有謝表云奉觴在庭子孫並列張蓋歸第  
父子同塗又宰相鄭居中子修年億年劉正夫子阜  
民阜民余深子章王黼子宏孚白時中子彥暉蔡卞

子仍鄧洵仁子襄鄧洵武子雍並以曲恩列於侍從而阜民宏孚襄尤懦騃或始十餘歲時李會為左司諫上疏畧曰尚從竹馬之游已造荷橐之列又曰未應娶婦已得任子天下以為名言

詔三公毋領三省事

先是李邦彥為右丞日言政和初蔡京改令僕之名冠以公相之號總領三省自治令廳自此遂無長官及京致仕王黼奏改公相廳為都廳既遷太傅則自

領三省不避皆自營專權侵紊官制乞釐正之故有  
是詔

更定折杖法

御筆除徒三年杖一百以下二年半杖九十可十七  
下二年杖八十五下一年半杖七十三下一年  
杖六十二下笞五十可十下四十八下三十七下  
二十六下十可五下

五月赦山東河北

以累年應奉軍需盜賊劫擾流移頗衆故也

詔宗室復著姓

初宗正少卿趙子崧入對上疑宗室出仕者皆著姓子崧曰熙寧舊法也上曰終是相疎御筆令今後內外宗室并不稱姓五年六月也至是子崧出守淮寧陞辭日為上言曰周曰姬氏漢曰劉氏唐曰李氏今無故去國姓非所宜乃詔復熙寧舊法並著姓按江休復嘉祐雜志云於故書中見真廟為壽王時申奏



文字皆用姓

六月封童貫廣陽郡王

國朝異姓非外戚無封王者蔡京用事主紹述之說以資奸謀遂贈王安石舒王其後何執中贈清河郡王鄭居中贈滎陽郡王及賞童貫燕山功遂封廣陽郡王王爵於是乎濫矣

劉安世卒

安世少從學於司馬光問行己之要光教之以誠且

令自不妄語始初除諫官未拜命入白母曰朝廷不以安世為不肖使在言路倘在言路須明目張膽以身任責脫有觸忤禍譴立至上方以孝治天下若以母老辭當可免母曰不然吾聞諫官為天子諫臣汝父平生欲為之而不得汝幸居此當捐身以報國若得罪流竄毋問遠近吾當從汝所之於是受命任職累年正色立朝扶持公道其面折廷諍或逢盛怒則執簡却立俟天顏稍霽復前抗辭旁觀者遠視蓄縮

聳汗目之曰殿上虎居平坐不傾倚不草書不好聲  
色貨利其忠孝正直皆取則司馬光為人既老羣賢  
彫喪畧盡巋然獨存是以名望益重梁師成用事能  
生死人心服其賢求得小吏吳默常趨走前後者使  
持書來啗以即大用默固勸為子孫計安世笑曰吾  
若為子孫計不至是矣吾為元祐全人見司馬光於  
地下又可破戒乎還其書而不答蘇軾嘗評元祐人  
物曰器之真鐵漢云

秋七月河東義勝軍叛

於黎城縣將官叛遂招安之其三千奔金國

熙河河東路地震

有裂數十丈者蘭州尤甚倉庫皆沒河東諸郡或震  
或裂

九月童貫復宣撫

金國以天祚成擒遣李用和等來告慶其實金將舉  
兵懼我為備尚揣我決請雲中地乃謬以好言入我

牒言不一而羣小欲雲中不以為信顧方預擇雲  
守蔡攸薦聶山立名之用和之來實使覘我且給言  
於上曰願詔童貫至河東當授以雲中之地信之不  
疑詔貫再行宣撫

有狐升御榻而坐

是月有狐自艮嶽直入中禁據御榻而坐詔毀狐王  
廟

冬十一月丙戌郊

上纔下壇而密報金將犯界左右秘之曰恐妨却恭謝宰相亦不知也及恭謝畢宰執又共匿之不以聞十二月金帥斡里雅布尼堪分道入寇

東路之軍斡里雅布主之建樞密院於燕山以劉彥宗主院事西路之軍尼堪主之建樞密院於雲中以時立愛主院事金人呼為東朝廷西朝廷於是斡里雅布之軍自燕山直犯河北尼堪之軍寇河東陷朔武代忻等州直趨太原

斡里雅布殺伴使傅察陷檀州薊州

先是金人既得天祚連遣三使來聘初曰報謝通好也次曰告慶得天祚也又次曰賀天寧節也使傳繼來河朔至京不惟供億疲敝而彼亦因以覘我道路使我不疑及三使者歸虞部申陳稱為送伴使至境上金人已宣言大舉兵為攘奪無常儀楸懼馳還時尼堪已蓄南侵之謀會義軍三千叛奔之具言中國虛實又易州常勝軍五百亦叛歸尼堪由是劉彥宗伊

都蕭慶力勸尼堪言南朝可圖人不必衆因糧就兵可也尼堪遂決意入寇然尚未顯然渝盟朝廷以故事命吏部員外郎傅察為接伴賀正旦使行至境上值幹里雅布入寇遂執察等責令投拜自副使蔣暹以下皆羅拜臣服察獨不屈敵以兵脅之察亦不顧敵將曰我以南朝天子失德故來弔伐察曰爾欲敗盟以此為兵端耳然自古之戰以曲直為勝負南北敵國亦安知爾非送死哉惟有死而已膝不可屈也敵



將大怒執而殺之察克俞從孫也

童貫自太原逃歸

先是貫至太原乃遣保州路廉訪使者馬擴知保州  
辛興宗使尼堪軍前諭以交蔚應州及飛狐靈邱縣  
餘悉還金國且密窺其意擴等至境上尼堪嚴兵以  
待却吏卒無越境趣擴等庭叅擴等立爭不可皆拜  
之如見阿固達禮首議山後事尼堪曰大聖皇帝初  
與趙皇帝跨海交好各立誓書萬世無毀不謂貴朝

違約陰納張穀收燕京逃去官民本朝累牒追還第  
以虛文見給今當畧辨是非擴曰本朝緣譚稹昧大  
計輕從張穀之請上深悔之願國相存舊好不以前  
事置胷中乞且交蔚應兩州飛狐靈邱兩縣尼堪笑  
之云爾欲兩州兩縣耶山前山後我家地尚復奚論  
汝家別削數城來可贖罪也汝輩可即辭我自遣人  
如宣撫司矣擴自雲中回至太原具以尼堪所言告貫  
貫驚曰金人初立國邊頭有幾許兵馬遽敢作如此

事耶擴曰彼意深恨本朝結納張毅又為契丹亡國之臣所激必謀報復擴固嘗闕白獨未蒙取信耳今猶可速作隄防然貫已陰懷遁歸之意矣尼堪繼遣王介儒色琦默齊書至太原貫軍中言納張毅渝盟事且言其國已興兵辭語倨甚貫亦厚待之曰如此大事何不素告我色琦默曰兵已興何告為相國自河東入太子自燕京路入不戮一人止傳檄定耳馬擴曰兵凶器天道厭之貴朝滅契丹亦藉本朝之力

今一旦渝盟舉兵相向豈不顧南朝積累之國若稍  
飭邊備安能遽侵色瑀默曰國家若以貴朝為可憚  
則不長驅矣詰旦來公必見之若勸童大王速割河  
東河北以大河為界用存宋朝宗社乃報國也貫聞  
之驚恐不知所為即與參議官宇文虛中范納機宜  
王雲宋伯通謀赴闕稟議 貫將逃歸請太原帥張  
孝純諭之意孝純愕曰金人渝盟大王當會諸路將士  
極力支吾今大王去人心搖是將河東與賊河東失

河北亦豈能保乎願少留共圖報國兼太原地險城  
堅人亦習戰未必便能攻也貫怒目曰貫受命宣撫  
非守土之臣必欲留貫置帥臣何為孝純撫掌嘆曰  
平時童太師作多少威重臨軍乃畏怯如此身為大  
臣不能死難止欲奉頭鼠竄何面目見天下士乎貫  
翌日遂行越九日至京師

斡羅布陷燕山府郭藥師叛降之

知府蔡靖以斡羅布軍壓境令藥師張令徽出門為

備其夕令徽遁歸未幾幹里雅布至藥師率兵迎降金人執靖及都轉運使呂頤浩置軍中以行頤浩嘗奏燕山開邊其勢難守雖窮天下之力竭天下之財必無以善其後上怒落頤浩待制領職如故繼又詔王安中以頤浩沮抑疆事倡不可守之說陳不可行之事以沮朝論可以詔書面詰頤浩此後應副有缺或為國生纖介之事者當坐以軍法初蔡攸童貫力主藥師為可倚任沿邊巡檢得其通金人書繳上之

亦屢有告變者皆不省及報至京師上左右不欲人聞之乃共匿其報但曰藥師被圍耳方欲封藥師燕王張令徽郡王割燕地與之使之世守幹里雅布留靖守燕引兵向闕以藥師為先驅

尼堪陷朔武代忻等州圍太原

朔州守將孫翊者勇而忠出戰勝負未決義軍開門獻其地進至武州義軍亦為內應遂失朔武長驅至代州守將李嗣本率兵拒守義軍民擒嗣本以降遂

陷代州敵入城安撫使史抗父子三人迎戰死之家  
人皆遇害西路都巡檢李翼屯崞縣敵遣嗣本降之  
翼射却嗣本帥衆堅守義勝軍領崔忠殺都監張洪  
輔引敵入城翼挺身鬪達旦力不敵被執敵欲臣之  
翼怒罵不屈與將吏皆遇害翼臨死呼官家數聲乃  
絕金人至忻州守臣賀權開門張樂以迎之尼堪大  
喜特令兵不入城遂距石嶺關關尤險隘太原帥張  
孝純謀守關之人或曰冀景可命景景辭命耿守忠以



八千人助景景復辭孝純曰第如我語景不得已而往使守忠當前守忠至闕啟而獻之景奔還尼堪引兵圍太原知朔寧府孫翊來救兵不滿二千與金人戰於城下張孝純曰賊已在近不敢開門觀察可盡忠報國翊曰但恨兵少乃復戰數日其兵皆盡為金人所殺

### 罷花石綱

凡非法上供及延福宮西城租課內外製造局並罷

幹羅布犯中山府

詹度禦之

詔罪已求言

童貫初得敵牒拆開乃檄書其言不遜貫與大臣及左右匿不以奏及議下詔求言而詔本數改易未欲下也李邦彥謂不若以檄書進呈激聖心冀求言即下大臣遂於宣和殿以檄書進上再三閱其書憤且恐乃即下詔罪已求言手詔畧曰朕獲承祖宗休

德托於士民君王之上二紀於茲雖兢業存於中心而過咎形於天下蓋以寡昧之資藉盈成之業言路壅蔽諂諛日聞恩倖持權貪饕得志搢紳賢能陷於黨籍政事興廢拘於紀年賦歛竭生民之財戍役困軍旅之力多作無益侈靡成風利源酷權已盡而牟利者尚肆誅求諸軍餉糧不時而冗食者坐享富貴灾異疊見而朕不悟庶衆怨懟而朕不知追維已愆悔之不及應天下方鎮郡縣守令各帥師募求勤王

捍邊能立奇功者並優加獎賞不限常制草澤之中  
懷抱異材能為國家建大計定大業或出使疆外者  
並不次任用其尤異者以將相待之中外臣僚士庶  
並許直言極諫實封投進雖有失當亦不加罪尋下  
詔內禪

李鄴使金

告內禪  
且求和

庚申上內禪以道君號退居龍德宮皇太子即皇帝位  
大赦

立妃朱氏為皇后

幹羅雅布犯慶源府信德府

初祖宗以梁門遂城二縣為安肅保信軍所謂銅梁門鐵遂州也自童貫蔡攸既得燕山謂安肅保信在內地皆廢為縣移軍營廢櫓樓至是詔使為軍而敵已大入遂犯慶源其太史占帝星復明大驚欲回郭藥師曰南朝未必有備不如姑行道出陽武縣或勸知縣蔣興祖避之蔣興祖曰吾世受國恩誼死於

是與妻孥俱留不肯從監兵有與敵通者斬以徇敵  
騎數百來攻不勝去明日益濟師力不敵遂遇害妻  
與長子以憂悸亦相繼而死尋賜褒詔官其二子

金之攻信德也不移時遂陷執守臣楊信功斡里雅布  
登門撫諭軍民

太學生伏闕請誅六賊

時天下皆知姦臣誤國而用事者多受其薦引莫肯  
為上明言於是陳東率在學諸生伏闕上書數蔡京童

貫王黼梁師成李彥朱勔之罪指為賊乞誅之以謝  
天下其書畧曰臣等聞自古帝王之盛莫盛於堯舜  
堯舜之盛莫大於賞善罰惡堯之時有八元八愷而  
未暇用有四凶而未暇去堯非不知其可用可去也  
意謂我將倦於勤必以天下授舜特留以遺之使大  
明誅賞以示天下耳故傳曰舜有大功二十而為天  
子天下誦之至今不息臣竊謂在道君皇帝時非無  
賢才如八元八愷而未用者非無奸臣賊子如四凶

而未去者道君亦非不知之特留以遺陛下陛下欲知姦臣賊子如四凶者乎曰蔡京曰王黼曰童貫曰梁師成曰李彥曰朱勔是也臣等謹按蔡京罪惡最大崇寧初道君皇帝方恭默聽京自散地寘之宰司京天資凶悖專權跋扈首倡亂階陷害忠良進用儉佞引置子孫盡居要塗變亂祖宗法度挾其私忿竊弄朝廷爵賞固其黨與蠹害國用殘暴生民交結宦官姑息堂吏盤根錯節牢不可破京乃偃蹇自肆無復顧憚包藏



禍心實有異志有識之士比之王莽所幸宗廟之靈社稷之福道君皇帝聰明睿知洞照其衷姦邪數露弗得竊發使京若輔少主其篡奪復何疑哉此非特臣等知之天下共知之臣等聞陳瓘任伯雨何昌言江公望皆曾論京奸狀故數人者一斥不復再用至有飲恨而死者天下寃之緣京用事奸人並進王黼相繼為相位至公傅騁柔曼之容肆俳優之行欺君罔上蠹國害民無所不至假應奉之名置局私家四

方珍貢盡入黼室自奉之餘始以進御賣官鬻爵貪  
饜無厭奸賊狼藉搢紳不齒觀其所為大抵效京朔  
方之嚮黼實啟之貫實佐之貫因京助遂握兵權至  
為太師封王左右指使官之至承宣圍人庖人防圍  
是任自有宦官之盛未有其比貫實庸繆初無智謀  
每一出師必數十萬隨軍金帛動億萬計比其還歸  
軍失大半金帛所餘盡歸私帑臣等聞之邊人貫之  
用兵紀律不明賞罰不公身冒矢石未必獲賞而親

隨先及夫以師之耳目在大將旗鼓進退從之勝負  
所繫貫身去敵常數百里是致將不先敵士不用命  
屢見敗衄挫辱國威士卒陷亡不以實奏所獲首級  
增數上聞祖宗軍政壞亂掃地而又冒功冒賞不察  
事機朔方之兵遂以輕舉敗我國盟失我隣好今日之  
事咎將誰執貫之所恃者師成實聯婚姻以相救援  
師成之惡亦又何言外示恭謹中存險詐假忠行佞  
藉賢濟奸盜我儒名高自標榜妄立名號兼稱陰相

欲攬國家大柄盡歸之已欲使天下士大夫盡出其門正人端士往往望風疾避亦不幸遭其黜汙者一時苟賤無恥之人爭往從之旋至顯位王黼之進實賴師成如貫與京內外相應捷若影響黼為相臣專柄國政奉行師成之意而已不聞天子之命也朝廷侍從天下監司郡守往往師成門生蔡京父子奉之不暇至如去歲道君皇帝一日相二人師成自謂出已意聞者駭恨不已夫論相者天子之職也

宦官招權以為己力浸淫不已事必有大於此者可  
勝寒心頃歲李彥以根括民田按行河北京東西威  
赫三路所至州縣倨坐黃堂使監司郡守列侍其旁  
而列侍之輩咸藉彥以進不敢輒違臣等嘗聞有詣  
道君皇帝論列此事者師成時適在側抗聲言曰王  
人在古諸侯之上使其人不肯盡言彥之兇焰由此  
益熾奪民常產重歛租課官吏稍有違忤即諷監司  
以他故無事送獄士大夫往往鬱憤而死三路百姓

破家流蕩愁怨溢路去年京東河北以租錢及燕山免夫之征尅利太甚盜賊四起正如兩浙曩時清溪之寇實由朱勔父子漁奪東南之民怨結數路方臘一呼四境響應屠割州縣數十殺戮吏民動億萬計天下騷然彌歲不已皆勔父子之所致生靈罹毒按勔父子皆曾犯徒杖脊始賂事蔡京夤緣交結閹寺遂致超顯招權怙勢氣焰可炙出入禁闥無時而衛士莫敢呵止侵移內帑無數而有司莫能會計其

所請錢號為收買花石進奏之物其實竟以入己自  
初至今不知其幾千萬數父子每以幹當公事為名  
多破官舟往來淮浙興販百貨騷動數路蔑視官司  
僅同奴僕所貢物色盡取於民撤民屋廬削民冢塋  
幽明受禍所在皆然甚者深山大澤窮崖斷谷江湖  
危險人跡所不到之地苟有一花一石擅作威福逼  
脅州縣期於必取間有不可力致而官吏申白者輒  
大怒詈以不奉上之名論之官吏懼此名不免驅動

百姓極力攻鑿得而後已往往顛踣陷溺以隕其身  
東南之民怨入骨髓欲食其肉而斲之父子方且炎  
炎未艾天下扼腕此六賊者前後相繼誤我國家離  
我民心天下困敝盜賊滋起外侮交侵危我社稷致  
道君皇帝哀痛罪已之詔播告四方而京等罪狀未  
白典刑未正天下無不歸怨上皇若不誅京等將何  
以慰道君皇帝之心雪道君皇帝之謗以解天下之  
疑耶況今日之事蔡京亂壞於前梁師成陰賊於內



李彥結怨於西北朱勳結怨於東南王黼童貫又從而結怨於遼金敗祖宗之盟失中國之信創開邊隙使天下勢危如絲髮此六賊者異名同罪伏願陛下擒此六賊肆之市朝傳之四方以謝天下庶幾道君皇帝之志果成於陛下豈不偉哉


李綱入對

門下侍郎吳敏薦之也綱時為太常少卿對於延和殿上迎謂之曰卿向論水灾䟽在東宮見之今猶能

誦憶綱謝奏曰金人先聲雖若可畏然聞有內禪之  
事勢必阻縮請和厚有所邀求臣竊料之大概有五  
欲稱尊號一也欲得歸朝人二也欲增歲幣三也欲  
求犒師之物四也欲割疆土五也欲稱尊號如契丹  
故事當法以大事小之義不足惜欲增歲幣當告以舊  
約以燕山雲中歸中國故歲幣增於大遼者兩倍今  
既背約則歲幣當減然國家敦示和好不較財帛姑如  
元數可也欲求犒師之物當量以與之至於疆土則

祖宗之地子孫當以死守不可以尺寸與人願陛下  
留神於此數者堅毋曲為浮議所搖可無後艱并陳  
所以禦敵固守之策上皆嘉納之除兵部侍郎

尊道君為太上皇帝皇后為太上皇后



九朝編年備要卷二十九

欽定四庫全書

史部

九朝編年備要卷二十九

詳校官編修臣謝振定

侍讀臣孫球覆勘

總校官檢討臣何思鈞

校對官編修臣沈清藻

謄錄監生臣聞益

欽定四庫全書

九朝編年備要卷二十九

宋 陳均 撰

徽宗皇帝

起庚子宣和二年  
止己巳宣和七年

庚子宣和二年春二月趙良嗣使金

女真使托和津持其國書來請別遣使通好因遣良

嗣往猶以賈馬為名其實約夾攻契丹取燕雲舊地

也第面約未齎國書時女真出師三面攻遼國上

京良嗣至青牛山追及阿達遂從至上京觀攻城

不旋踵而破

唐恪罷

時王黼奪上供綱為應奉之用漕運不至者累月恪為戶部尚書上言曰國家定都汴梁非有山河形勢以臨天下也直仰汴渠之運以養百萬之師而綱運自去秋絕不至將有匱乏之憂且以天下奉一人臣子不敢憚今珍異之物充於大臣之家而奉上者曾未十一是傾天下之財為國歛怨上以諭黼黼取下

卸司以進且請治恪面謾之罪恪復言黼所進卸運數蓋併應奉司綱在其中屬戶部十之一二爾詔恪罷知滁州

夏五月祭地于方澤

竄朱夢說

編管池州夢說以布衣上書論宦寺之權太重也

六月蔡京致仕仍朝朔望

時京子攸儵儵孫行皆至大學士視執政而儵尚帝



女他至侍從者二十餘人尚方賚予無虛日廝役皆至大官媵妾至封夫人然公論益不與而上厭之至是請老詔京致仕依舊神霄玉京萬壽宮使仍朝朔望

復元豐保甲舊制

罷京東西保甲餘路並依元豐舊制

秋七月嚴文臣起復法

詔非邊防勿起復

九月金使來

趙良嗣至上京與阿固達議約大抵以燕本漢地欲  
夾攻契丹使女真取中京大朝取燕京許之遂議歲  
賜良嗣初許三十萬而卒與契丹舊數良嗣曰燕京  
一帶則并西京是也阿固達亦許之遂以手札付良  
嗣約以女真兵自平地松林趨古北口南朝兵自白  
溝夾攻不然則難以依已許之約仍遣使偕來止作  
新羅人來朝見其國書畧曰大金皇帝謹致書於大

宋皇帝陛下蓋緣素昧未致禮容酌以時宜交馳使  
傳趙良嗣等言燕京本是漢地若許復舊將自來與  
契丹綽轉交雖無國信諒不妄言若將來貴朝不為  
夾攻即不依得已許為夾具形敝幅冀諒鄙悰

馬政使金

國書畧曰大宋皇帝謹致書於大金皇帝遠承信介  
特示函書致罰契丹逃聞為慰確示同心之利共圖  
問罪之師誠意不渝義當如約已差童貫勒兵相應

彼此兵不得過關歲幣依與契丹舊數仍約毋聽契丹講和差政之子擴從行

燕童貫第

冬十月戊辰朔日有食之

加梁師成太尉

師成累遷河東節度拜太尉提舉明堂時上留意禮樂符瑞事師成特以穎悟善逢迎希恩寵上實以隸人蓄之凡御筆號令皆主於師成於是八處殿中多

擇善書吏習倣奎書雜詔旨以出外庭莫能辨陰竊  
用人之柄權勢熏灼一時嗜進之徒爭先赴趨之王  
黼以父事之執政侍從出其門者不可勝計師成自  
謂為蘇軾之子訴於上曰先臣軾何罪時天下禁誦  
軾文其尺牘在人間皆深藏至是始復出

十一月余深罷

深嘗諫上以取閩中花果之擾王黼曰此太平末事  
不足罷又曹輔初得館職乃深除之而輔兄弟有為

深門客者至是言者謂輔為深所使深遂求退出知

福州

上以王黼為太宰

方臘反陷睦歙等州命譚稹討之

睦州青溪有洞曰幫源廣四十里羣不逞往往囊橐  
其間方臘家有漆園時造作局多科須諸縣抑配而  
兩浙皆苦花石綱之擾臘以妖術誘之數日之間嘯  
聚響應者至數萬人遂以誅朱勔為名縱火大掠驅

其黨四出兩浙都監蔡遵顏坦擊賊敗死遂陷睦州  
殺官兵千人於是壽昌分水桐廬等縣皆為賊所據  
僭號改元永樂 陷休寧縣執知縣趙嗣復脅之使  
降面斬二士以恐嗣復嗣復罵曰自古妖賊無長久  
者爾當舍逆以從順因我以歸朝廷朝廷必宥爾奈  
何使我降賊何不速殺我賊曰我休寧人也公宰邑  
有善政前後官無及公者我忍殺公乎委之而去未  
幾命嗣復知睦州 陷歙州將官郭師中士曹掾栗

先守獄詬賊遇害 陷杭州守臣趙霆遁廉訪趙約  
死之 陷衢州彭汝方死之 陷處州縉雲尉詹良  
臣禦賊為所執欲降之良臣罵曰往年王綸反戮於  
淮南王則反磔於河北同惡無少長者皆棄市今不  
鑒前禍猖獗至此旦暮官軍至爾等肉餒狗鼠矣賊  
怒割其肉使自啗之且吐且罵死不絕聲良臣晚以  
恩得官時年七十上聞而憫之官其二子 陷剡縣  
知縣宋旅死之 犯杭州王稟敗之於城外又敗之



於桐廬 犯越州守臣劉鞫敗之 青溪令陳光以  
棄邑先遁尋伏誅

十二月以陳過庭為御史中丞

時睦寇猖獗過庭言致寇者蔡京養寇者王黼竄二  
人則寇自平又言朱勔父子本刑餘小人交結權近  
竊取名器賄賂狼籍罪惡彰著宜正典刑以謝天下  
時論韙之

盜宋江平

江犯淮陽及京西河北至是入海州界知州張叔夜  
設方畧討捕招降之

辛丑宣和三年春正月改譚稹為兩浙制置使以童貫  
為江浙淮南宣撫討方臘

初臘之亂王黼方鋪張太平惡聞有外寇且峻責浙  
西提刑急捕治勿張皇生事因不敢直奏賊遂不可  
制至連陷婺州上大恐中都為震始遣譚稹稹逗留  
不進及賊入杭乃遣貫行時征北事起陝西勁兵多

聚輦下盡發以往上微行送之握貫手曰東南事盡  
付汝有不得已者竟以御筆行之

大赦

以復燕京也

罷蘇杭造作局

先是二州置局造作器用曲盡其巧牙角犀玉金銀  
竹藤畫糊抹雕刻織綉諸色匠人日役數千而財物  
所須悉科於民民力困乏上嘗罷之諛諛人猶責其

工程進奉不絕未幾復置至是以方臘亂浙西悉詔罷之

二月罷御前綱運

禁般載花石入京初江淮發運司於真揚楚泗各有轉般倉綱運兵士各有地分不相交越每舟虛二分容私商以利舟人又載鹽回運兵士稍便之後因內侍何忻以宿州靈壁縣山石進御前又朱勗以江浙竒花果木起綱發運司新裝舟船撥充御前綱以載

花石其餘敝舊者以載綱運直達京師而轉般倉廢  
新綱多重載容私商又鹽法變改無回運舟兵苦之  
多逃亡而為盜糧運不繼至是罷花石綱使之般運  
糧儲

三月親試舉人

賜何渙舉人以下六百餘人及第出身有差 詔梁  
師成下使臣鄧宏曹組時令就殿試賜同進士出身  
是春日有青

忽青黑無光其中洶洶而動若鉦金而湧沸狀日旁有青黑正如波光周回旋轉將暮而稍止是時睦賊未平人多憂之以謂禍難必未已也

夏四月貴妃劉氏薨追謚明節皇后

劉氏本酒家女女也性穎悟能迎旨合意林靈素以左道幸謂上為長生帝君謂妃為九華玉真安妃每神霄降必別置安妃位

方臘平

童貫與王稟劉鎮兩路軍豫約會於睦歛間包幫源洞表裏夾攻至是鎮與楊可世馬公直率勁騎從間道奪賊門嶺平旦入洞賊二十餘萬衆腹背抗拒轉戰至晚克徒糜爛流血丹地火其屋萬間稟以奇兵斬賊五千餘級鎮所斬亦如之釋脅從者數萬稟尋及辛嗣宗楊惟忠生擒方臘於幫源山東北隅石澗中並其妻孥兄弟偽相侯王共三十九人振旅凱還奏捷於朝其表有曰孰謂廉頗之已老尚堪李靖之

一行又曰遂成希世之功等語識者笑之 臘破六  
州五十二縣殺平民二百餘萬王師自出至凱旋凡  
四百五十日臘至八月始伏誅 尋赦江浙淮南等  
路改睦歙二州為嚴州徽州

五月金使來

詔國子司業權邦彥內侍董師禮館之未幾師禮傳旨  
邦彥曰大遼已知金人海上往還難以復如前議諭  
金使令歸邦彥驚曰如此則失其歡心曲在朝廷矣



師禮入奏復傳旨候童貫回議之留闕下凡三月餘  
方遣人送歸國書只付其使回不復遣使後赫魯等  
自海上歸至其國阿固達得書意朝廷絕之乃命其  
弟國相貝勒並尼堪烏舍等悉師渡遼而西用遼  
降人伊都為先鋒趨中京

竄陳過庭張汝霖

初過庭為中丞日乞罷冗官之以御前使喚為名者  
汝霖為西轉運請罷進花果上既嘉納矣至是王黼

露章劾之以為爵祿泛濫政事猥并天下賦入殆不能支而議者弗為此圖乃敢懷奸興謗每於奉上之事動欲侵損如過庭欲廢御前使喚之人汝霖違令更不歲進花果伏望留神自今有此必正典刑於是過庭自知斬州貶黃州汝霖貶均州

閏月置應奉司命王黼及內侍梁師成領之

初方臘之亂黼承上意罷蘇杭造作局及諸所局而內侍復以言動黼黼大悔悟且懼失權勢乃乞創應

奉局於私第而自領之黼言臣累奏士大夫懷奸弗  
俊抑損應奉意在妄為譏謗望特置應奉一司專總  
領以杜姦謀從之仍令梁師成總領於內於是右司  
周武仲見黼論其不合黼變色曰九式九貢正周官  
太宰所執由是不悅武仲黼自蔡京致仕悉反其所  
為當時聲稱翕然而黼既得位乘高勢而為邪多蓄  
子女玉帛以自奉稍襲京迹及應奉司之置黼為上  
宰而親領之奪運發漕輓之卒以為用戶部不敢詰

四方珍異之物充牣二人之家而入尚方者纔什一  
每陪扈曲燕至為俳優荀賤之技以獻笑取容時  
鄆王楷有寵或妄傳有廢立之意黼知中外嫉已不  
自安欲以是為竒貨東宮長子諶已除節度使封國  
公黼言於上以為皇孫始封但當為觀察使令宮臣  
耿南仲至其第令代東宮奉辭諶免官竟奪節度使  
而童貫陰附之謀揺東宮矣

六月河決恩州

黑青出

洛陽京畿忽有物如人或如犬其色黑不能辨眉目  
夜出掠小兒傷食之蓋黑青云如是二歲乃息

秋七月童貫進太師譚稹加節度

冬十月童貫復領陝西兩河宣撫

諸路蝗

壬寅宣和四年春正月加梁師成開府

內侍官謂之家臣自古無賜坐者其在禁中則不可



命祭酒韋壽隆講書司業權邦彥講詩下武

遼主天祚奔夾山耶律淳立

金人攻陷遼中京中京奚國也遂兵至松亭關以與  
我有各不過關之說止引兵由其西而過遼主天祚  
先已引避又聞女真用伊都為先鋒蕭奉先曰伊都  
宗支也豈欲亡遼不過求立其甥晉王耳何惜一子  
伐其奸謀遂賜晉王死晉王賢而死非其罪聞者揮  
涕自此人心益携有言伊都將至者天祚震驚率騎

兵五千奔雲中留宰相張琳李處溫與燕王淳守燕  
天祚至雲中遂取馬三千匹入夾山因謂蕭奉先曰  
使我至此皆汝之由急去人不容汝奉先慟哭辭行  
去二十里為左右所殺淳守燕二十年得人心天祚  
既奔夾山李處溫與其弟處能及子真及都統蕭幹  
挾怨軍謀立淳乃率燕京數萬人勸進淳慟哭不得  
已即位改怨軍為常勝軍自號天錫皇帝改元建福  
降天祚為湘陰王淳主燕雲平上中京遼西六路而



沙漠以北諸番部天祚主之猶稱保大二年遼國自  
此分矣金人追至雲中蕭扎拉降進追天祚幾及凡  
行帳輜貨及其幼女盡俘獲之天祚有四子長趙  
王次晉王次秦王次許王晉王有人望秦王母元妃  
兄蕭奉先慮秦王不得立密圖之會晉王母文妃姊  
適耶律達哈拉妹適伊都達哈拉妻嘗過伊都家奉  
先密告其結伊都將立晉王伊都聞之懼遂擁千餘  
騎并骨肉叛歸女真天祚遣追之及於間山衆議若

擒伊都送奉先則吾曹皆伊都也不若結之為利皆  
曰諾於是給云追之不及伊都既亡奉先懼諸將皆  
叛乃峻加爵賞以慰其心

夏四月命童貫蔡攸帥師巡邊

耶律淳既立遣使來告謝上以天祚在夾山淳安得  
擅立令雄州却之遂遣貫勒兵十五萬巡邊攸副之  
下詔復幽燕故地仍以三策付貫如燕人悅而取之  
因復舊疆上也耶律淳納款稱藩次也燕人未復按

兵巡邊下也貫啟行上微出北郊餞之 貫之遣也  
鄭居中力陳不可又謂蔡京曰使百萬生靈肝腦塗  
地公實為之貫遣張寶趙忠諭耶律淳舉國內附淳  
執二人斬之

加高俅開府

舊制殿帥早朝退至殿門於宰相執閣於階不相揖捲  
簾二三尺以為禮俅以隨龍人不數年至太尉至是  
又加開府恩比宰相每遇王黼於路則分道而行傳

呼相揖故事盡廢矣

五月我師與燕人遇戰失利六月退保雄州

童貫至高陽闕駐軍用知雄州和訛計降黃榜及旗  
述弔民伐罪出於不得已之意如敢殺人並從軍法  
若有豪傑以燕京來獻除節度使遂命种師道盡護  
諸將分兵為兩路种師道總東路之兵屯白溝辛興  
宗總西路之兵屯范村又分麾下之兵授訛從師道  
行耶律淳遣達實林牙領一千五百餘騎屯涿之新

城貫遣馬廣齋軍書入燕達實林牙謂其使人王介  
儒曰過河語童貫欲和偕還作善隣不和請以兵相  
見毋令諸軍徐苦也前軍統制楊可世信訛言謂燕  
人久欲附必迎王師止將輕騎數千過界趨蘭溝甸  
先遣人以旗榜渡河橋開示達實林牙見之叱之曰  
有死而已可世為所掩被傷而退淳益兵二萬遣蕭  
幹統之將渡白溝諸將皆欲迎戰師道如貫約曰不  
可妄殺諸將憮然翌日敵亟來攻我堅壁不動敵尋

退蕭幹迎戰於范村甚力興宗遣楊可弼救之仍自督戰敵乃却駐十二日師道興宗以敵勢尚熾乃議還師退保雄州其日北風大雨雹敵兵大至以背盟詬我薄暮始還營於界河敵遂至城下使來曰女真之叛本朝亦南朝之所甚惡也舍此不圖而欲射利棄好結叵測之鄰基他日之禍謂為得計可乎貫遣參議官劉韜與遼使介儒議再修好始和詵贊取燕及見事寔異又使其子璟詣蔡京以為不宜取其

反覆類此 於是童貫以為契丹尚盛和詵侯益探  
報不實妄請興師乞行軍法上聞師敗懼甚遂詔班  
師

耶律淳死遼人立其妻蕭氏為太后

蕭幹與達實林牙立淳妻蕭氏為太后改元德興

八月阿固達追襲天祚於國崖擒其都統蕭規天祚  
脫身去及夏國引兵數萬襲天德軍阿固達遣偏師  
七千擊破之於是乘勝遂因秋成並邊牧馬休兵屯

奉聖州之東

秋七月初收經制錢

去夏命陳遘經制江淮荆浙福建七路諸司財計置  
司杭州至是遘請七路典賣田地契錢每一貫足增  
收二十文通舊無過一百文省充經制移用經制錢  
始此

九月竄宋昭

上書極言遼國不可攻金人不可鄰異時金人必先



敗盟為中國患乞誅王黼童貫李良嗣等言極激切  
至謂兩國之誓敗盟者禍及九族陛下以孝理天下  
其忍忘列聖之靈乎陛下以仁覆天下其忍置河北  
之民於塗炭之中而使肝腦塗地乎仍乞親自奉使  
以和解其事詔散郎宋昭上書狂妄除名勒停編  
管海州初師行即詔妄議北事者即罰無赦執政廷  
臣時無一言獨昭上書言其事遂坐之 龍圖閣直  
學士任諒亦貽時相書論耶律氏不當滅絕人初以

為狂也

金使來

貝勒烏舍高慶裔等來初朝廷回書附其使還不遣使報金金疑吾有謀用是未嘗先報師期輒進兵取中京移軍白水灤襲破天祚行帳既占雲中府山後州縣忽聞童貫舉兵阿固達與羣下議恐爽約自我或南朝徑取燕則歲賂不可得遂專遣使來烏舍等奏如聞貴朝遣童貫舉大兵壑境不報本國故遣臣

來聘館伴趙良嗣答曰聞貴朝取西京雖不得報已  
令童貫舉兵以應夾攻之約彼此不報不足較也上  
待烏舍等甚厚賜予不貲至輟御茗調膏賜之引登  
明堂入龍德宮蕃衍宅別築離宮無所不至禮過契  
丹數倍慶裔渤海人桀黠知書雖外為恭順稱藩頌  
德而屑屑求故例不已烏舍等又詣王黼第計事面  
授回書略曰所有漢地及夾攻並如昔議慶裔曰夾  
攻一段且莫是候本國兵來否良嗣曰縱本朝乘勝

下燕亦與已許歲幣初不必計先後也

趙良嗣報使

馬擴副之

我師再舉遼高鳳郭藥師以易州涿州來降

自耶律淳死蕭后專政契丹恐漢人應南軍將謀殺之時管常勝軍郭藥師有意歸朝而四軍蕭幹聞我師再壓境忽自燕來涿州藥師以為圖已乃召蕭幹開燕款密說其歸我幹不從而去藥師以餘慶嘗薦已不敢害之即召所部說曰天祚失國女政不綱宋天

子重兵壓境此男兒取金印之時於是萬口響應因  
監軍蕭餘慶遣人奉表來降時高鳳亦以易州來歸童  
貫自河間復回雄州時已在道藥師至受之以其軍  
八千并易州義兵五千並隸延慶為鄉導軍聲大振  
初貫攸回軍至河間二人既敗事相持而哭但招  
集亡潰冀保雄州而已忽知中山府詹度奏耶律淳  
死燕人有越境而至者於是王黼復有覬幸之心鄭  
居中又以為不可聽詔貫攸無歸異議者斬聚諸道兵

三十萬復欲用种師道為帥師道力辭又造堂曰太祖嘗出收燕山圖示趙普普曰此必曹翰所為然翰能取之陛下使誰守之太祖遂卷圖而入如師道非才豈敢望翰今朝謀帥設有如翰者又使誰守之於是師道以避事落節度而更以劉延慶為都統制約九月會三關屬蕭后遣蕭容韓昉來奉表稱藩貫攸視副本止云納款稱臣揮之而去曰須納土乃受昉笑曰納款即納土也

冬十月我師潰於盧溝河

劉延慶郭藥師等自雄州趨新城劉光世楊可世自安肅軍出易州遂會於涿州時兵衆五十萬進駐盧溝河契丹四軍蕭幹亦於燕城十里外築壘與我師相拒日遣騎渡河擊我嘗縱兵犯中軍藥師言曰四軍者既以全師抗我則燕城必虛宜遣輕騎擊之延慶即用其策選常勝軍并西兵五千騎間道襲燕夜半渡河銜枚而進質明常勝軍五十騎雜鄉人奪迎

春門以入大軍繼至燕城七門各以二百騎守之下  
令曰燕人盡降契丹盡殺不意契丹兵尚多而我師  
已驕所至紛然四掠藥師遣人諭蕭氏使降不從我  
師與敵合戰至晚不解蕭幹知我師入燕亟來救或  
告藥師城外塵起必有救兵至諸將皆謂延慶遣兵  
來助登高望之則燕王塚上立四軍旗矣四軍兵自  
南門入人皆死鬪藥師屢敗奔門不得出盡棄馬繩  
城而下死傷過半還者數百騎而已時大軍屯盧溝



河者未動蕭幹兵纔數千得漢兩人留帳中夜半偽相語曰聞漢兵十萬吾師三倍當分左右翼以精兵衝其中舉火為應殲之無遺陰逸其一人歸報既夕而遁衆軍遂潰自相蹂踐而死幹遣騎來追至涿水北乃回自熙寧以來所積軍實掃地盡矣上始知藥師但跳入燕城尋已退遁而延慶師潰手詔責貫攸等曰吾今不復信女矣

十一月庚午郊

王黼言郊日陰雲解剝陽景來臨壁月垂耀信星彪  
列非霧非煙磅礴晝靄已事而退密雪四委乞拜表  
稱賀從之

金使來議割燕山地

初朝廷與女真約但求石晉故地初不思平營灤三  
州乃劉仁恭以遺契丹故女真不肯割盡蓋王黼疎  
謬如此至是趙良嗣馬擴見阿固達於奉聖州金主  
令其弟國相貝勒與計事貝勒以往歲不遣報使今

歲出兵失期為言云今更不論元約特與燕京六州二十四縣謂薊景檀順涿易也良嗣答以兩朝皆以信義為主元約山前山後十七州今乃如此信義安在與之辨論數四卒不從於是以國書付良嗣等與其使偕來仍留馬擴於軍前

趙良嗣報使

送金使還且求營平灤三州

十二月金人入燕

初童貫蔡攸再舉不能下燕懼無功獲罪密遣其客  
王瓌由飛狐路邀阿固達令圖之瓌見阿固達具言  
貫兵已壓燕境乞如約夾攻阿固達遣瓌先歸遂分  
三道進兵尼堪趨南暗口達蘭駙馬趨北牛口阿固  
達趨居庸關時馬擴隨軍行阿固達謂擴曰我初聞  
南軍到盧溝有入燕者我心亦喜將歛軍歸國却聞  
劉延慶一夜燒焚而遁何至此耶一二日間到關汝  
觀我家用兵有走者否契丹聞阿固達至棄關而遁

遂入居庸闕軍皆蓐食時到蕭氏聞居庸失守夜率  
蕭幹等疾行五十里金人游騎及城統軍蕭伊遜開  
門納之於是宰相以下皆降阿固達遣五百騎護送  
馬擴歸朝獻捷

遼蕭氏奔夾山

金人之入燕也達實林牙以蕭氏歸遼主延禧於夾  
山延禧殺蕭氏蕭幹以奚渤海人入奚

是歲高麗王侯死

子偕嗣侯在位三十八年

癸卯宣和五年春正月金使來趙良嗣報使

先是良嗣至軍前阿固達曰平灤等州若必欲取并  
燕京不與汝家矣以國書副本示良嗣讀至燕京用  
本朝兵力攻下其租稅當輸本朝良嗣曰租稅隨地  
豈有與其地而不與其租稅者尼堪曰燕京自我得  
之則當歸我大國熟計若不早見與請速遣涿易之  
師無留我疆於是遣李靖王度色埒默與良嗣偕來

李靖既對遂見王黼黼謂靖曰租稅非約也上意以  
交好之故欲以銀絹充之靖復請去年歲幣上亦特  
許遂命良嗣與靖再使良嗣偕靖抵燕京見阿固達  
曰本朝狗大國多矣豈平灤一事不能相從耶阿固  
達曰平灤欲作邊鎮不可得也遂議租稅阿固達曰  
燕租六百萬止取一百萬不然還我涿易舊疆常勝  
軍亦當還我吾且提兵按邊良嗣曰本朝自以兵下  
涿易今乃云爾豈無曲直耶且言御筆許十萬至二

十萬不敢擅增乃令良嗣歸報過半月不至吾提兵  
往矣時左企弓為金人謀嘗以詩獻之曰君王莫聽  
捐燕議一寸山河一寸金故金人要我不已金人自  
以金軍護送擄獲東歸又山後告急以天祚謀復故  
地而張鼓據平州不能無懼自南使過盧溝悉斷橋  
梁焚次舍亦恐我不從而自防也良嗣等留雄州以  
國書遞奏其畧云貴朝兵不克夾攻特因已力下燕  
所以拘租金據燕管內每年租六百萬貫良嗣等許



御筆二十萬以上不敢自專其平灤等州不在許限  
倘務侵求難終信義仍速追退過界之兵詔復遣良  
嗣自雄州再使金國國書畧曰本朝與貴朝通和每  
曲從所欲以成交契今代稅之物悉如來諭阿固達  
大喜遂議雲中地烏舍曰皇帝言趙皇大度增百萬  
一言不辭今求西京何辭以拒然其民却待遷去良  
嗣曰若止空城安用之烏舍笑曰此無他皇帝意欲  
南朝犒賞諸軍耳

三月金使來盧益報使

尼楚赫王度色埒默持誓書草同良嗣來議西京  
犒賞金帛引對上許以二十萬乃遣兵部侍郎盧益  
等持國書及誓書議交燕京日子良嗣與尼楚赫皆  
言金許還西京且求犒軍物二十萬而國書并誓書  
乃無一語及西京者蓋良嗣與尼楚赫共為欺罔卒  
啟兵端

夏四月金人來歸燕京六州

先是盧益與金使尼楚赫至燕山金人止之以俟犒  
師金帛已乃得見烏舍等先索誓書觀之斥字畫不  
謹屢却回令至京師易之益等諭以主上親御翰墨  
示尊崇大國之意猶不聽凡改更三四朝廷皆曲從  
之且言近有燕人趙溫訊李處能等逃去南朝須先  
見還方可議交燕地趙良嗣諭宣撫司縛溫訊與之  
既至尼堪釋其縛以為用遂遣楊樸以誓書及燕京  
涿易檀順景薊六州來歸且索米二十萬石 初祖

宗時遼使至待遇之禮有限不示以華侈且以河朔逼近都邑故迂其途多其里堠次第為之燕犒而後至皆防微杜漸意也及王黼之遣趙良嗣惟務速以擅其功與其使人限以七日自燕山至闕下凡四五往返然每至輒漸加禮誇之以富盛金人因之自負要索不已黼遂許與遼人舊歲幣四十萬之數外每歲更添燕山涿易順景檀薊一百萬緡代稅錢金人既得所欲乃許我又索營平二州則曰海上腳根底

元約石晉所獻之地當如元約於是我無辭又索雲中一路則曰雲中久為我有中國安得之中國亦無如之何姑欲得燕山且掩挫敗之醜以塞中外之議因割燕山府涿易檀順薊景為一路而歸其代稅錢一百萬緡又議折中貨物以補其闕於是又遣良嗣議折物凡絹三十萬疋絲綿稱是金人每喜南貨故雖木綿亦二萬段香犀玳瑁碗碟匙筋皆折閱倍償之至如龍腦每兩折八貫則皆良嗣其中為姦也約

既定復索禮數因盡還其待大遼敵國之禮惟不稱兄弟而已燕山之地易州西北乃金坡關昌平之西乃居庸關順州之北乃古北關景州東北乃松亭關平州之東乃榆關榆關之東乃金人之來路凡此數關蓋天所以限蕃漢也一夫守之可以當百朝廷之割地若得諸關則燕山之境可保矣然關內之地平灤營三州自後唐為契丹按巴堅陷之後改平州為遼興府以營灤二州隸之號為平州路至石晉之初

按巴堅子耶律德光又得燕山檀順景薊涿易諸郡  
建燕山為燕京以制六郡號為燕京路而與平州自  
成兩路始朝廷自海上議割地但云燕雲兩路而已  
蓋初謂燕山之路盡得關內之地殊不知關內之地  
平州與燕山異路也由是破遼之後金人復得平州  
路金人既據平州則關內之地蕃漢雜處故幹里雅布  
至自平州入寇此當時議割燕雲不明地理之故也  
童貫蔡攸入燕

貫攸帥師入燕先曰交割後曰撫定燕之金帛子女  
職官民戶為金人席卷而東朝廷捐歲幣數百萬所  
得空城而已尼堪猶欲止割涿易阿固達曰海上之  
盟不可忘也我死汝則為之海上初約燕人歸南朝  
奚渤海契丹人皆屬金國而郭藥師等渤海人上下  
方以為撓議欲對換為之却收其田宅既可贍常勝  
一軍為用又不煩朝廷錢糧童貫然之遂亟奏稟王  
黼許焉蓋獨以常勝軍為童貫而已



赦兩河燕雲路

卷二十九

老二十九

童貫蔡攸奏撫定燕人老幼懽呼迎謁南向焚香上  
祝聖壽又言燕山父老皆謂自冬至春不雨昨日王  
師撫定雨澤隨至王黼即率百僚表賀遂降曲赦  
初盧益與金使尼楚赫等具言金人許西京及益與  
楊樸復來國書姑載交西京邊界等路而誓書不及  
西京朝廷惟信趙良嗣等虛詞謂金誠許歸我雲中  
故曲赦并及山後然當時實未始得山後土地也其

後得武朔蔚三州旋復失之

五月王黼加太傅總治三省事

詔黼已除三公依蔡京例總治三省事

祭地

金阿固達死弟烏奇邁立

改元天會號阿固達為太祖大聖武元皇帝烏奇邁  
改名為晟

遼張毅以平州來降

穀燕人仕遼知契丹將亡盡籍丁壯得五萬潛練兵  
為備金人既下燕尼堪謂參政康公弼曰我欲遣兵  
擒張穀何如弼曰若加之兵是趣之叛也公弼昔居  
此州願往伺而圖之遂見穀諭金人之意穀曰契丹  
八路今特平州存耳敢有異志所以未釋甲者防蕭  
幹耳厚賂公弼公弼達其語於尼堪尼堪信之改平  
州為南京加穀同平章事至是烏奇邁新立遂遣左  
企弓等歸時燕人患遠徙私訴於穀曰企弓不謀守

燕而使吾民流離至此近聞天祚復振若明公仗義  
首圖興復先責企弓等罪而殺之縱燕人歸南朝宜  
無不納如金人復來內用平州之兵外借南朝之援  
何懼乎穀名翰林學士李石問之石以為然遂拘企  
弓數其罪殺之石與三司使高履詣燕山說王安中  
曰平州形勢之地張穀綜練之才足以禦金人安燕  
境幸招致之母令西迎天祚北合蕭幹為我患安中  
入其語送石履赴闕改石名安弼履名黨又延康殿

學士趙敏修者乃遼相李處能也於是敏修安弼黨  
三人日詣王黼白事朝廷多從其說穀遂竟以平州  
來附金人聞穀叛遣棟摩國王將騎二千討之穀率  
兵迎拒金人以兵少不交鋒大書州門有今冬復來  
之語穀即妄以捷聞於宣撫

六月加朱勗節度

以燕山之役勗馳驛得命有勞故也

秋七月童貫致仕

初貫上表告功落節鉞為真太師遂乞加上尊號不  
許及與蔡攸歸自燕山頗失上意王黼梁師成共薦  
譚稹為宣撫副使交雲中之地貫尋命致仕稹遂為  
宣撫仍駐河東金人以燕山地要害實不我與但浮  
沉其辭而我之使人昧利貪寵欺誑朝廷因是日生  
希覲稹出師至太原會烏奇邁新立猶未暇治山後  
於是朔州韓正應州蘇京蔚州陳相皆通款於我稹  
即除官因任朝廷謂稹有嘉靖之功尋遷少保云

禁元祐學術

中書省言福建路印造蘇軾司馬光文集詔令毀板  
今後舉人傳習元祐學術者以違制論 明年又申  
嚴之冬詔曰朕自初服廢元祐學術比歲至復尊事  
蘇軾黃廷堅軾廷堅獲罪宗廟義不戴天片文隻字  
並令焚毀勿存違者以大不恭論靖康初罷之

八月辛巳日當食不見

陰雲蔽之王黼乞付史館

遼將和哩布犯燕山我師敗之

和哩布者蕭幹也金人既陷燕京幹就奚王府自立  
為神聖皇帝國號大奚改元天復奚人濟幹出盧龍  
嶺攻破景州又敗常勝軍於石門鎮陷薊州寇掠燕  
城其鋒甚銳有涉河犯京師之意人情洶洶頗有謀  
棄燕者童貫自京師移文王安中詹度郭藥師等切  
責不已而安中命藥師大破其衆乘勝窮追過盧龍  
嶺殺傷過半幹遁去尋為其下所殺傳首京師先



是詔以王安中知燕山府詹度郭藥師同知藥師以節鉞欲居度上度稱御筆所書有序藥師不從兼常勝軍橫甚度不能制朝廷恐其交惡九月以度與知河間府蔡靖兩易其任靖有城府開懷待藥師藥師亦重靖稍為損然終不得其柄也藥師在燕山凡有所請朝廷無不從又遣部曲商販諸路為奇巧之物以奉權貴下及小璫無不喜之者時常勝軍及鄉軍號三十萬戍兵惟九千人無能為也藥師及燕人終

不改左衽時人比之祿山 明年春童貫自真定瀛  
莫入燕山攜常勝軍奏請河北置四總管中山辛興  
宗真定王元河中楊惟忠大名王育人招逃卒及刺  
游手之人為軍又請專委蔡靖知燕山召王安中還  
朝皆從之貫尋入京

冬十月雨木冰

十二月班御註列子莊子

詔國子監刊御註冲虛至德真經南華真經頌之學

者

幸王黼第觀芝

黼專結梁師成既為相再賜第於城西開便門與師成對街以相往來及燕山告功黼益得意乃妄言家之屏風生五芝請上臨幸上既幸府第又自便門過師成復來黼家駐蹕曰闕黼自出傳旨賚賜命放散侍從百官於是禁衛諸班直爭願見上謝恩不肯散因大詢訕師成譚稹乃扶持上出撫諭之猶洵洵

不已已而復入夜漏上五刻乃開龍德門復道小墻  
所謂鹿塞門者以還內官者十餘人執兵衛之而去  
三衙衛士無一人得入者是夜諸班禁從皆集教場  
備不虞幾至生變翌日猶不御殿殆半日人心始少  
安祖宗以來臨幸未之有也

### 金人陷平州

張穀又遣其弟來通款朝廷授穀節度使世襲平州  
令李安弼齎詔仍以金花箋御筆付其弟授穀時外

庭莫知其端燕山路轉運趙良嗣力爭不可以為恐  
必招女真之兵朝廷不從穀聞有詔至率官吏郊迎  
金人諜知之以千騎襲破平州得朝廷所賜穀詔穀  
挺身走燕山其弟懷御筆以走又為金人所得自是  
歸曲朝廷累檄宣撫司取穀朝廷不得已命王安中  
縊殺函首送之未幾金太子斡里雅布由平州路將入  
寇矣

十二月金使初來賀正

初賀正旦也

招河東義勝軍

譚稹奏常勝軍恣橫乞於河東別招一軍分其權勢  
優其餼廩號義勝軍凡五萬人多燕雲降卒也

甲辰宣和六年春正月御樓觀燈

上元節也故事天子御樓觀燈則開封尹設次以彈  
壓於西觀上下時從六宮於其上以觀天府之斷絕  
者簾幕深密下無由知衆中忽有人躍出墨黑色布

衣若寺僧童行狀以手畫簾出指斥語執於觀下上  
怒甚命中使傳旨治之蚤掠亂下又加炮烙詢其誰  
何略不一語亦無痛苦之狀又斷其足筋俄施刀鬻  
血肉狼藉上大不悅為罷一夕之懼至暮竟不得其  
何人付獄盡之 明年八月有都城東門外鬻菜夫  
至宣德門下忽若迷罔釋荷擔向門戟手而言曰太  
祖皇帝神宗皇帝使我來道尚宜速改也邏卒捕之  
下開府獄一夕方省則不知所云為者乃於獄中盡

之

置措置書藝所

生徒以五百人為額

二月陳瓘卒

於楚州范純仁晚年益以天下自任尤留意人才或問其所儲人才可為今日用者答曰陳瓘又問其次曰陳瓘自好也蓋言瓘可以獨當天下之重也宣和之末人憂大厦之將顛或問游酢以當今可以濟世



之人酢曰四海人才不能周知以所識知陳了翁其人也睢陽劉安世亦嘗因瓘病使人勉瓘以醫藥自輔云天下將有賴於公當力加保養以待時用 瓘彈蔡京疏謂重南輕北分裂有萌論者推其先見

瓘嘗為別試主文蔡卞聞瓘欲取史學將因此害瓘而因禁絕史學瓘乃於五名前悉取談經及純用王氏之學者卞無以發然五名之下往往皆博學稽古之士瓘嘗曰隨時所以救時不必自快目前也 蔡

京知瓘才待之加禮瓘不肯附性恬於進取雖諸公  
交薦逮居言職所疏奸惡雖死不避也嘗曰彼則舉  
爾所知此則為仁由已 靖康初贈諫議大夫官其  
一子

三月金人來勾糧

金人遣詣宣撫司索所許糧二十萬斛譚稹曰二十  
萬斛豈易至耶兼宣撫司未嘗有片紙隻字許糧之  
文其使曰去年四月趙良嗣已許矣稹曰良嗣口許

豈足憑耶終不之與金人怒及舉兵亦以此為辭云  
閏月京師河東陝西地震

去冬及正月地震至是又震宮中殿門皆搖動且有  
聲河東陝西尤甚其蘭州地及諸山草本悉沒入西  
山下麥苗乃在山上朝廷遣右司郎官黃潛善為察  
訪因按視焉及歸圖進曰震而已所傳則非也上意  
遂安潛善又以迎合銅鐵事除戶部侍郎

夏四月親試舉人

賜沈晦以下八百人及第出身有差 時內侍梁師  
成益通賓客招賂賂士人納錢數千緡即令赴廷試  
以獻頌上書為名而官之至百餘人及唱第日侍於  
上前奏請升除皆出其口其小史儲宏者亦登第而  
執廝養之役如初

五月金使來

告嗣位也

六月科免夫錢

燕地雖號沃壤而金人席捲一空時常軍五萬興成

兵九千月給糧已十餘萬石而他軍及官吏不與焉故悉出河北河東山東之力以饋給之纔一年而三路皆困蓋科配既大道阻且長率費十餘石至二十石始能至一石於燕山民力不堪上殊不樂欲罷王黼黼懼計無從出遂與省吏謀作免夫之令冀得少久其位乃下詔曰自燕雲之復兩河京東屢經調發民力已疲若不假諸路之力其何以濟可措置調夫京西八萬淮南四萬兩浙六萬五千江南九萬七千

福建三萬五千荆湖八萬八千廣南八萬三千四川  
十七萬八千並納免夫錢每夫三十貫委漕臣限兩  
月足違依軍法尋降御筆諸路調夫以供邊計應宗  
室后妃戚里宰執之家及宮觀寺院雖特旨免科者  
一例均輸於是徧率天下所得纔二十萬緡而結怨  
四海矣 先是殿中侍御史李景衡言財匱民困元  
豐左庫每月約支三十六萬緡今月支一百二十萬  
緡不急之務若營繕諸役及花石綱與吏員猥多軍

額冗濫又無名功賞非常賜予皆夤緣倖倖干請無厭宜節以祖宗之制而省去之近年常賦之外絹帛別有和買法買有常平司和買應副燕山和買采穀則有和糴均糴有補上供和糴應付軍糧和糴撥發司和糴州縣促辦府庫空虛無以償其直民間歲獲盡輸之官而猶不足則破產繼之見行鹽法名曰招誘商販其實抑配耳況茶鹽祖宗舊法並俟歲中第其增虧今鹽法乃逐季比較官吏畏罪希賞遂行口

斂故每田一畝有歲買鹽八斤者若此之類民尤不堪曾未聞以實告朝廷者唯知奉行檄符以邀寵耳不報

禁衝改元豐法制

犯者以不恭論

許亢宗使金

以著作郎為賀嗣位使亢宗至金國拉林河金人所居館燕悉用契丹舊禮如結綵山作倡樂尋幢角牴



之技鬪雞擊踔之戲與中國同但於衆樂後飾舞女  
數人兩手持鑑上下類神祠中電母所為者莫知其  
說其國初無城郭四顧莽然皆草舍以居至是方營  
大屋數千間日役萬人規模亦宏侈矣

秋七月置製璣衛所

以王黼總領梁師成副之

衛膚敏再使不至而復

以校書郎為賀生辰使膚敏言彼生辰後天寧節五

日今未聞彼遣使吾反先之於威重已缺萬一不至  
為朝廷羞請至燕山候之脫若不来則以幣置之境  
上上以為然至燕山金人果不来遂置幣而返

金人攻陷應蔚等州

八月童貫落致仕兩河燕山路宣撫

初金人納夏羌之請割拓跋故地雲中二千里遺之  
止以宣武二州歸我至是夏人舉兵侵朔武地界譚  
稹遣李嗣本禦之兵數交夏人未即退聽又金人以

朝廷納張穀屢出怨言及嘗借糧既許之矣稹不時  
給金人愈怒遂攻應蔚逐守臣蘇京殺陳翊又陷飛  
狐靈邱兩縣絕山後交割之意朝廷罪稹措置乖方  
詔落太尉致仕除貫落致仕仍領樞密院事河東北  
燕山路宣撫使是時遼主天祚在夾山上欲誘致之  
始遣一番僧齋御筆絹書通意及天祚許歸則易書  
為詔待以皇弟之禮位燕越二王上築第千間女樂  
三百人天祚大喜貫之是行名為代稹交割山後土

地其實已約天祚來降自往迎之也是冬貫遣馬擴  
辛興宗使尼堪軍至雲中會尼堪已歸國留烏舍權  
元帥責以庭參禮卒不相見第使高慶襲傳言以朝  
廷先遣誓書招納叛亡雖山後亦難以便交擴歸告  
貫以敵情不測乞速營備邊貫不能用

大赦

以復燕雲兩路之故

九月以白時中為太宰李邦彥為少宰

先是上待王黼異於他相名其所居閣為得賢治定且為書載賡堂以下凡九榜黼以父事梁師成稱恩府先生黼第側有複道過師成家上因觀芝就詣之始悟其交結狀歸而大悔乃拔時中邦彥以分其權而師成由此亦絀初上欲大用蔡攸既而悔之至是宣制罷因曰蔡六豈堪作相攸遂落節鉞仍領樞密院事趙野左丞宇文粹中右丞蔡懋同知樞密院事冬十一月王黼致仕

罷應奉司

置講議局十二月命蔡京兼領

詔以法式滋多流品猥衆僥倖路啟民力匱乏令尚書省置局講議命蔡京兼領

蔡京落致仕領三省事

五日一朝至都堂視事時河朔青齊間盜賊日熾動數十萬內外窘匱莫能支吾上意大不樂且曰崇觀間安至是哉又上意深倦於勤與中宮數有密議然

無人敢當其事中宮贊上召故老大臣分付上以為  
然遂決意用京恐京年高不能朝參遂命其子條以  
時入對傳道君臣之意 先是蔡攸以弟條鍾愛於  
其父因條私撰西清詩話專宗蘇黃為言者所論攸  
白上請殺之上憫京老不許止落職勒停仍詔毀板  
攸權勢日與父相軋輕薄者互煽搖以立門戶由  
是父子遂為仇敵攸累遷至太保燕國公 童貫欲  
收復雲中以奏議來上京主其說左丞宇文粹中對

以金誓書有俟挈天祚五七年後徐議之說恐今興兵則釁端啟其議遂已

### 兩京河浙路水

時灾異叠見都人有賣青果男人孕而誕子尊母不能收易七人始免而逃去又有酒肆號豐樂樓酒保朱氏子其妻年四十餘忽生髭鬚長僅六七寸疏秀甚美宛然一男子詔度為女道士

是歲河北山東盜起命內侍梁方平討之



時轉糧以給燕山民力疲困重以鹽額科歛加之連  
歲凶荒民食榆皮野菜不給至自相食於是饑民並  
起為盜山東有張仙衆十餘萬號敢熾張迪者衆五  
萬圍濬州五日而去濬州去京纔一百六十里而初  
不知河北有高托山者號三十萬自餘一二萬者不  
可勝計也遣方平率兵討捕之

乙巳宣和七年春正月遣使撫諭河北京西

持親書手詔撫諭詔略云諭告河北河東盜賊唐鄧

汝潁流移人戶方疇田蠶宜使復業言念良民皆吾  
赤子比緣用非其人政失厥中不能撫諭安集使饑  
寒流離扶老携幼動以萬計轉而為盜非其本心為  
之惻然其赦厥罪仍放未納租稅以禮部尚書洪中  
孚為宣諭使詔許招降中孚急於成功奏請出降者  
齊民復當年賦役軍士依元額收願削兵籍者聽由  
是鄉黨子弟競為盜以免稅卒伍有過竄名賊中皆  
得所欲大名尹徐處仁極言其弊中孚罷為宮觀處

仁又移書宰相曰人窮為盜理之必至昔谷永有言  
諸夏舉兵萌於民饑饉而吏不恤興於百姓困苦而  
賦歛重起於下怨離而上不知齊和帝時蜀有齊狗  
兒之役或嘲羅研曰卿蜀人貪亂一至於此研曰若  
令家蓄五母之雞二母之彘床上有百錢皮甌中有  
數升麥飯雖蘇張巧說於前韓白按劍於後不能使  
一夫之為盜况貪亂乎今朝下恤民之詔暮行害民  
之政丁寧懇至之言悉成虛文而望四民安業盜賊不

作難矣

金人滅遼

遼主天祚竄入陰夾山金人以力不能入恨其不出  
謂出必得之天祚亦以畏尼堪在雲中故不敢出至  
聞尼堪歸其國以烏舍代戍雲中乃率韃靼諸軍五  
萬并攜其后妃二子秦趙王及宗屬南來達實林牙  
諫之不聽遂越漁陽嶺而尼堪已回雲中故為金人  
所敗又畏中國不可伏乃謀奔西夏未至金人擒之

削封海濱王送長白山築城居之踰年而卒遼國遂  
亡 遼契丹蓋東胡之種在橫山之南本鮮卑舊地  
元魏時自號契丹初達呼哩氏有八子號八部其首長  
稱大人推一人為主得建旗鼓三歲一代至唐通天  
中陷營州至開元十一年克屯乃奉赤心之弟實固  
統衆詔許襲王梁貞明間諸部以耶律色勒迪少子安  
巴堅為主遂盡并奚渤海諸國始建元神冊不復受  
代自是常為邊患安巴堅至天祚凡九代

輸米於燕山

以燕山糧匱自京師輸米五十萬斛以濟之

罷京東西弓箭社

宣和四年提刑梁楊祖請置社既而邀功者請五等之籍悉入之民不堪擾滋起為盜故臣僚請罷之楊祖落職

三月朔雨雹

夏四月蔡京致仕

京自再領三省未幾目昏不能視事事皆決於子條  
條福威自任同列不能堪一日京以竹紙批出十餘  
人令改入官與寺監簿或諸路監司屬官其間有不  
理選限者有未經任者有未曾試出官者及參選者  
仍令尚書省奏行右丞宇文粹中上殿進呈事畢出  
京所書竹紙奏云昨晚得太師蔡京判筆不理選限  
某人未經任某人未曾試出官參選其人皆令以改  
名入官求差遣上曰此非蔡京批字乃京子第十三

名條者筆蹟京今次與事老耄無一能為專聽此後  
生之言遂先罷條侍讀蓋將以是撼京而京畧無去  
之意上乃召童貫使詣京諷之致仕貫既宣旨京泣  
曰上何不容京數年必有讒譖者貫曰不知也京不  
得已引退 自京為相不數年子六人孫四人為執  
政從官嘗有謝表云奉觴在庭子孫並列張蓋歸第  
父子同塗又宰相鄭居中子修年億年劉正夫子阜  
民阜民余深子章王黼子宏孚白時中子彥暉蔡卞



子仍鄧洵仁子襄鄧洵武子雍並以曲恩列於侍從而阜民宏乎襄尤懦騃或始十餘歲時李會為左司諫上疏畧曰尚從竹馬之游已造荷索之列又曰未應娶婦已得任子天下以為名言

詔三公毋領三省事

先是李邦彥為右丞日言政和初蔡京改令僕之名冠以公相之號總領三省自治令廳自此遂無長官及京致仕王黼奏改公相廳為都廳既遷太傅則自



以累年應奉軍需盜賊劫擾流移頗衆故也

詔宗室復著姓

初宗正少卿趙子崧入對上疑宗室出仕者皆著姓子崧曰熙寧舊法也上曰終是相疎御筆令今後內外宗室并不稱姓五年六月也至是子崧出守淮寧陞辭日為上言曰周曰姬氏漢曰劉氏唐曰李氏今無故去國姓非所宜乃詔復熙寧舊法並著姓按江休復嘉祐雜志云於故書中見真廟為壽王時申奏

文字皆用姓

六月封童貫廣陽郡王

國朝異姓非外戚無封王者蔡京用事主紹述之說以資奸謀遂贈王安石舒王其後何執中贈清河郡王鄭居中贈滎陽郡王及賞童貫燕山功遂封廣陽郡王王爵於是乎濫矣

劉安世卒

安世少從學於司馬光問行己之要光教之以誠且

令自不妄語始初除諫官未拜命入白母曰朝廷不以安世為不肖使在言路倘在言路須明目張膽以身任責脫有觸忤禍譴立至上方以孝治天下若以母老辭當可免母曰不然吾聞諫官為天子諫臣汝父平生欲為之而不得汝幸居此當捐身以報國若得罪流竄毋問遠近吾當從汝所之於是受命任職累年正色立朝扶持公道其面折廷諍或逢盛怒則執簡却立俟天顏稍霽復前抗辭旁觀者遠視蓄縮

聳汗目之曰殿上虎居平坐不傾倚不草書不好聲  
色貨利其忠孝正直皆取則司馬光為人既老羣賢  
彫喪畧盡歸然獨存是以名望益重梁師成用事能  
生死人心服其賢求得小吏吳默常趨走前後者使  
持書來啗以即大用默固勸為子孫計安世笑曰吾  
若為子孫計不至是矣吾為元祐全人見司馬光於  
地下又可破戒乎還其書而不答蘇軾嘗評元祐人  
物曰器之真鐵漢云

秋七月河東義勝軍叛

於黎城縣將官叛遂招安之其三千奔金國

熙河河東路地震

有裂數十丈者蘭州尤甚倉庫皆沒河東諸郡或震  
或裂

九月童貫復宣撫

金國以天祚成擒遣李用和等來告慶其實金將舉  
兵懼我為備尚揣我決請雲中地乃謬以好言入我

牒言不一而羣小欲雲中不以為信顧方預擇雲  
守蔡攸薦聶山立名之用和之來實使覘我且給言  
於上曰願詔童貫至河東當授以雲中之地信之不  
疑詔貫再行宣撫

有狐升御榻而坐

是月有狐自艮嶽直入中禁據御榻而坐詔毀狐王  
廟

冬十一月丙戌郊



上纔下壇而密報金將犯界左右秘之曰恐妨却恭謝宰相亦不知也及恭謝畢宰執又共匿之不以聞十二月金帥幹里雅布尼堪分道入寇

東路之軍幹里雅布主之建樞密院於燕山以劉彥宗主院事西路之軍尼堪主之建樞密院於雲中以時立愛主院事金人呼為東朝廷西朝廷於是幹里雅布之軍自燕山直犯河北尼堪之軍寇河東陷朔武代忻等州直趨太原

斡里雅布殺伴使傅察陷檀州薊州

先是金人既得天祚連遣三使來聘初曰報謝通好也次曰告慶得天祚也又次曰賀天寧節也使傅繼來河朔至京不惟供億疲敝而彼亦因以覘我道路使我不疑及三使者歸虞部申陳稱為送伴使至境上金人已宣言大舉兵為攘奪無常儀楸懼馳還時尼堪已蓄南侵之謀會義軍三千叛奔之具言中國虛實又易州常勝軍五百亦叛歸尼堪由是劉彥宗伊

都蕭慶力勸尼堪言南朝可圖人不必衆因糧就兵可也尼堪遂決意入寇然尚未顯然渝盟朝廷以故事命吏部員外郎傅察為接伴賀正旦使行至境上值幹里雅布入寇遂執察等責令投拜自副使蔣暹以下皆羅拜臣服察獨不屈敵以兵脅之察亦不顧敵將曰我以南朝天子失德故來弔伐察曰爾欲敗盟以此為兵端耳然自古之戰以曲直為勝負南北敵國亦安知爾非送死哉惟有死而已膝不可屈也敵

將大怒執而殺之察克俞從孫也

童貫自太原逃歸

先是貫至太原乃遣保州路廉訪使者馬擴知保州  
辛興宗使尼堪軍前諭以交蔚應州及飛狐靈邱縣  
餘悉還金國且密窺其意擴等至境上尼堪嚴兵以  
待却吏卒無越境趣擴等庭叅擴等立爭不可皆拜  
之如見阿固達禮首議山後事尼堪曰大聖皇帝初  
與趙皇帝跨海交好各立誓書萬世無毀不謂貴朝

違約陰納張穀收燕京逃去官民本朝累牒追還第以虛文見給今當畧辨是非擴曰本朝緣譚稹昧大計輕從張穀之請上深悔之願國相存舊好不以前事置胷中乞且交蔚應兩州飛狐靈邱兩縣尼堪笑之云爾欲兩州兩縣耶山前山後我家地尚復奚論汝家別削數城來可贖罪也汝輩可即辭我自遣人如宣撫司矣擴自雲中回至太原具以尼堪所言告貫貫驚曰金人初立國邊頭有幾許兵馬遽敢作如此

事耶擴曰彼意深恨本朝結納張毅又為契丹亡國之臣所激必謀報復擴固嘗闕白獨未蒙取信耳今猶可速作隄防然貫已陰懷遁歸之意矣尼堪繼遣王介儒色埒默齊書至太原貫軍中言納張毅渝盟事且言其國已興兵辭語倨甚貫亦厚待之曰如此大事何不素告我色埒默曰兵已興何告為相國自河東入太子自燕京路入不戮一人止傳檄定耳馬擴曰兵凶器天道厭之貴朝滅契丹亦藉本朝之力

今一旦渝盟舉兵相向豈不顧南朝積累之國若稍  
飭邊備安能遽侵色瑀黠曰國家若以貴朝為可憚  
則不長驅矣詰旦來公必見之若勸童大王速割河  
東河北以大河為界用存宋朝宗社乃報國也貫聞  
之驚恐不知所為即與參議官宇文虛中范納機宜  
王雲宋伯通謀赴闕稟議 貫將逃歸請太原帥張  
孝純諭之意孝純愕曰金人渝盟大王當會諸路將士  
極力支吾今大王去人心搖是將河東與賊河東失

河北亦豈能保乎願少留共圖報國兼太原地險城  
堅人亦習戰未必便能攻也貫怒目曰貫受命宣撫  
非守土之臣必欲留貫置帥臣何為孝純撫掌嘆曰  
平時童太師作多少威重臨軍乃畏怯如此身為大  
臣不能死難止欲奉頭鼠竄何面目見天下士乎貫  
翌日遂行越九日至京師

韓暹布陷燕山府郭藥師叛降之

知府蔡靖以韓暹雅布軍壓境令藥師張令徽出門為



備其夕令徽遁歸未幾幹里雅布至藥師率兵迎降金人執靖及都轉運使呂頤浩置軍中以行頤浩嘗奏燕山開邊其勢難守雖窮天下之力竭天下之財必無以善其後上怒落頤浩待制領職如故繼又詔王安中以頤浩沮抑疆事倡不可守之說陳不可行之事以沮朝論可以詔書面詰頤浩此後應副有缺或為國生纖介之事者當坐以軍法 初蔡攸童貫力主藥師為可倚任沿邊巡檢得其通金人書繳上之

亦屢有告變者皆不省及報至京師上左右不欲人聞之乃共匿其報但曰藥師被圍耳方欲封藥師燕王張令徽郡王割燕地與之使之世守幹里雅布留靖守燕引兵向闕以藥師為先驅

尼堪陷朔武代忻等州圍太原

朔州守將孫翊者勇而忠出戰勝負未決義軍閉門獻其地進至武州義軍亦為內應遂失朔武長驅至代州守將李嗣本率兵拒守義軍民擒嗣本以降遂

陷代州敵入城安撫使史抗父子三人迎戰死之家  
人皆遇害西路都巡檢李翼屯崞縣敵遣嗣本降之  
翼射却嗣本帥衆堅守義勝軍領崔忠殺都監張洪  
輔引敵入城翼挺身鬪達旦力不敵被執敵欲臣之  
翼怒罵不屈與將吏皆遇害翼臨死呼官家數聲乃  
絕金人至忻州守臣賀權開門張樂以迎之尼堪大  
喜特令兵不入城遂距石嶺關關尤險隘太原帥張  
孝純謀守關之人或曰冀景可命景景辭命耿守忠以

八千人助景景復辭孝純曰第如我語景不得已而往使守忠當前守忠至闕啟而獻之景奔還尼堪引兵圍太原知朔寧府孫翊來救兵不滿二千與金人戰於城下張孝純曰賊已在近不敢開門觀察可盡忠報國翊曰但恨兵少乃復戰數日其兵皆盡為金人所殺

### 罷花石綱

凡非法上供及延福宮西城租課內外製造局並罷

幹羅布犯中山府

詹度禦之

詔罪已求言

童貫初得敵牒拆開乃檄書其言不遜貫與大臣及左右匿不以奏及議下詔求言而詔本數改易未欲下也李邦彥謂不若以檄書進呈激聖心冀求言即下大臣遂於宣和殿以檄書進上再三閱其書憤且恐乃即下詔罪已求言手詔畧曰朕獲承祖宗休

德托於士民君王之上二紀於茲雖兢業存於中心而過咎形於天下蓋以寡昧之資藉盈成之業言路壅蔽諂諛日聞恩倖持權貪饕得志搢紳賢能陷於黨籍政事興廢拘於紀年賦歛竭生民之財戍役困軍旅之力多作無益侈靡成風利源酷權已盡而牟利者尚肆誅求諸軍餉糧不時而冗食者坐享富貴灾異疊見而朕不悟庶衆怨懟而朕不知追維已愆悔之不及應天下方鎮郡縣守令各帥師募求勤王

捍邊能立奇功者並優加獎賞不限常制草澤之中  
懷抱異材能為國家建大計定大業或出使疆外者  
並不次任用其尤異者以將相待之中外臣僚士庶  
並許直言極諫實封投進雖有失當亦不加罪尋下  
詔內禪

李鄴使金

告內禪  
且求和

庚申上內禪以道君號退居龍德宮皇太子即皇帝位  
大赦

立妃朱氏為皇后

幹羅雅布犯慶源府信德府

初祖宗以梁門遂城二縣為安肅保信軍所謂銅梁門鐵遂州也自童貫蔡攸既得燕山謂安肅保信在內地皆廢為縣移軍營廢櫓樓至是詔使為軍而敵已大入遂犯慶源其太史占帝星復明大驚欲回郭藥師曰南朝未必有備不如姑行道出陽武縣或勸知縣蔣興祖避之蔣興祖曰吾世受國恩誼死於



是與妻孥俱留不肯從監兵有與敵通者斬以徇敵  
騎數百來攻不勝去明日益濟師力不敵遂遇害妻  
與長子以憂悸亦相繼而死尋賜褒詔官其二子

金之攻信德也不移時遂陷執守臣楊信功斡里雅布  
登門撫諭軍民

太學生伏闕請誅六賊

時天下皆知姦臣誤國而用事者多受其薦引莫肯  
為上明言於是陳東率在學諸生伏闕上書數蔡京童

貫王黼梁師成李彥朱勔之罪指為賊乞誅之以謝  
天下其書畧曰臣等聞自古帝王之盛莫盛於堯舜  
堯舜之盛莫大於賞善罰惡堯之時有八元八愷而  
未暇用有四凶而未暇去堯非不知其可用可去也  
意謂我將倦於勤必以天下授舜特留以遺之使大  
明誅賞以示天下耳故傳曰舜有大功二十而為天  
子天下誦之至今不息臣竊謂在道君皇帝時非無  
賢才如八元八愷而未用者非無奸臣賊子如四凶

而未去者道君亦非不知之特留以遺陛下陛下欲知姦臣賊子如四凶者乎曰蔡京曰王黼曰童貫曰梁師成曰李彥曰朱勔是也臣等謹按蔡京罪惡最大崇寧初道君皇帝方恭默聽京自散地真之宰司京天資凶悖專權跋扈首倡亂階陷害忠良進用儉佞引置子孫盡居要塗變亂祖宗法度挾其私忿竊弄朝廷爵賞固其黨與蠹害國用殘暴生民交結宦官姑息堂吏盤根錯節牢不可破京乃偃蹇自肆無復顧憚包藏

禍心實有異志有識之士比之王莽所幸宗廟之靈社稷之福道君皇帝聰明睿知洞照其衷姦邪數露弗得竊發使京若輔少主其篡奪復何疑哉此非特臣等知之天下共知之臣等聞陳瓘任伯兩何昌言江公望皆曾論京奸狀故數人者一斥不復再用至有飲恨而死者天下寃之緣京用事奸人並進王黼相繼為相位至公傳騁柔曼之容肆俳優之行欺君罔上蠹國害民無所不至假應奉之名置局私家四

方珍貢畫入黼室自奉之餘始以進御賣官鬻爵貪  
饜無厭奸賊狼藉搢紳不齒觀其所為大抵效京朔  
方之嚮黼實啟之貫實佐之貫因京助遂握兵權至  
為太師封王左右指使官之至承宣圍人庖人防圍  
是任自有宦官之盛未有其比貫實庸繆初無智謀  
每一出師必數十萬隨軍金帛動億萬計比其還歸  
軍失大半金帛所餘盡歸私帑臣等聞之邊人貫之  
用兵紀律不明賞罰不公身冒矢石未必獲賞而親

隨先及夫以師之耳目在大將旗鼓進退從之勝負  
所繫貫身去敵常數百里是致將不先敵士不用命  
屢見敗衄挫辱國威士卒陷亡不以實奏所獲首級  
增數上聞祖宗軍政壞亂掃地而又冒功冒賞不察  
事機朔方之兵遂以輕舉敗我國盟失我隣好今日之  
事咎將誰執貫之所恃者師成實聯婚姻以相救援  
師成之惡亦又何言外示恭謹中存險詐假忠行佞  
藉賢濟奸盜我儒名高自標榜妄立名號兼稱陰相

欲攬國家大柄盡歸之已欲使天下士大夫盡出其門正人端士往往望風疾避亦有不幸遭其黜汙者一時苟賤無恥之人爭往從之旋至顯位王黼之進實賴師成如貫與京內外相應捷若影響黼為相臣專柄國政奉行師成之意而已不聞天子之命也朝廷侍從天下監司郡守往往師成門生蔡京父子奉之不暇至如去歲道君皇帝一日相二人師成自謂出已意聞者駭恨不已夫論相者天子之職也

宦官招權以為己力浸淫不已事必有大於此者可  
勝寒心頃歲李彥以根括民田按行河北京東西威  
赫三路所至州縣倨坐黃堂使監司郡守列侍其旁  
而列侍之輩咸藉彥以進不敢輒違臣等嘗聞有詣  
道君皇帝論列此事者師成時適在側抗聲言曰王  
人在古諸侯之上使其人不肯盡言彥之兇焰由此  
益熾奪民常產重歛租課官吏稍有違忤即諷監司  
以他故無事送獄士大夫往往鬱憤而死三路百姓



破家流蕩愁怨溢路去年京東河北以租錢及燕山免夫之征剋利太甚盜賊四起正如兩浙曩時清溪之寇實由朱劬父子漁奪東南之民怨結數路方臘一呼四境響應屠割州縣數十殺戮吏民動億萬計天下騷然彌歲不已皆劬父子之所致生靈罹毒按劬父子皆曾犯徒杖脊始賂事蔡京夤緣交結閣寺遂致超顯招權怙勢氣焰可炙出入禁闥無時而衛士莫敢呵止侵移內帑無數而有司莫能會計其

所請錢號為收買花石進奏之物其實竟以入己自  
初至今不知其幾千萬數父子每以幹當公事為名  
多破官舟往來淮浙興販百貨騷動數路蔑視官司  
僅同奴僕所貢物色盡取於民撤民屋廬削民冢塋  
幽明受禍所在皆然甚者深山大澤窮崖斷谷江湖  
危險人跡所不到之地苟有一花一石擅作威福逼  
脅州縣期於必取間有不可力致而官吏申白者輒  
大怒詈以不奉上之名論之官吏懼此名不免驅動

百姓極力攻鑿得而後已往往顛踣陷溺以隕其身  
東南之民怨入骨髓欲食其肉而斲之父子方且炎  
炎未艾天下扼腕此六賊者前後相繼誤我國家離  
我民心天下困敝盜賊滋起外侮交侵危我社稷致  
道君皇帝哀痛罪已之詔播告四方而京等罪狀未  
白典刑未正天下無不歸怨上皇若不誅京等將何  
以慰道君皇帝之心雪道君皇帝之謗以解天下之  
疑耶況今日之事蔡京亂壞於前梁師成陰賊於內

李彥結怨於西北朱勳結怨於東南王黼童貫又從而結怨於遼金敗祖宗之盟失中國之信創開邊隙使天下勢危如絲髮此六賊者異名同罪伏願陛下擒此六賊肆之市朝傳之四方以謝天下庶幾道君皇帝之志果成於陛下豈不偉哉


李綱入對

門下侍郎吳敏薦之也綱時為太常少卿對於延和殿上迎謂之曰卿向論水灾䟽在東宮見之今猶能

誦憶綱謝奏曰金人先聲雖若可畏然聞有內禪之  
事勢必阻縮請和厚有所邀求臣竊料之大概有五  
欲稱尊號一也欲得歸朝人二也欲增歲幣三也欲  
求犒師之物四也欲割疆土五也欲稱尊號如契丹  
故事當法以大事小之義不足惜欲增歲幣當告以舊  
約以燕山雲中歸中國故歲幣增於大遼者兩倍今  
既背約則歲幣當減然國家敦示和好不較財帛姑如  
元數可也欲求犒師之物當量以與之至於疆土則

祖宗之地子孫當以死守不可以尺寸與人願陛下  
留神於此數者堅毋曲為浮議所搖可無後艱并陳  
所以禦敵固守之策上皆嘉納之除兵部侍郎

尊道君為太上皇帝皇后為太上皇后



九朝編年備要卷二十九